

松潘縣志卷二

古蹟

湔氏故道

江□一統志氏在道廳西北秦改昇仙置縣後宋水經注

平康廢縣

後□一統志在廳西南三國漢屬州汶山郡晉因之熙十

年交川及通軌翼反針置天寶討元年之隸松州平康和志平康縣垂西拱至當年州析

西屬十里翼州顯慶中因古元平康復置屬在當州水

蠶陵廢縣治屬西南蠶陵山下漢置晉廢周改翼針縣隋徙治七

頃城唐武德初為翼州治貞觀改七里溪天寶改衛山徙今疊溪

營西五里後省明洪武置疊溪所清廢

興樂廢縣

興□一統志在廳西北晉置屬元山郡按宋志白南馬屬壽汶郡

松潘縣志

卷二 古蹟

石山蓋因白馬嶺為名華仇國志是也宋八年汶山非故地縣矣黃

升遷廢縣晉置今縣治

嘉誠廢縣

志□一統志今廳治要自古汶江龍地鶴亦曰龍屯龍守魏書華太陽和

昌九年仇池鎮州穆亮龍帥八于龍至擊走吐谷渾武立帝紀彌天和元

周年吐谷渾龍郡鵠王莫昌率部府開皇初其廢地為扶郡隋志七年嘉州廢縣

唐志州松州廣德元年沒刺史和其後志松州悉南至柘翼保一真百乾八維十翼等

古為西鄧至地後魏後鄧子孫舒彭者遣使內附益州刺史甘松縣名開

國子後魏置扶州領龍其地後三年保定龍郡於置嘉誠縣與扶天

州同龍大業三年改扶州為昌郡隋末武德元里城改之置北松

西境北舊到吐蕃界五里故明統志嘉誠廢縣在東松南播到司城內郡按三隋百志里

同昌郡西魏吐谷渾於此置鄧州及鄧寧七年改曰扶定鄧至羌為同昌縣
隋初改為嘉誠縣而元和志謂隋改周扶州為同昌誤矣于

龍水廢縣治屬西南周置為清江郡治隋開皇初省郡改清江縣
十八年改翼水縣

江源廢縣和志一江源志在廳交西川屬西北三十里隋蓋即之唐廢為名元

交川廢縣官舊一統志後周置龍澗郡隋廢為交川縣開皇初置有北

至松州三十四里本周天和在中置屬龍澗郡寰宇記地
通胡越道路東西相交衛志在衛南五里即今紅花屯

通軌廢縣治屬西南周置并置覃州榮鄉二郡隋開皇悉省唐貞
觀二十一年置當州屬利川郡儀鳳二年徙治蓬舊橋天寶初改

江源郡乾元復當州後省

松潘縣志

卷二 古蹟

廢柘州山郡一統志元在疊溪營柘州舊元和志永徽後元天寶元年多改蓬

木為名其城四面險阻與于固守柘縣前元至維州三百里
喬珠縣東至州五十里與州同置寰宇記州南至維州三百里

廢澗州以處一統志在廳羌北境相近又有十州俱唐貞觀五年置

蘭諸羌屯松州西蕃尋復進攻松州敗入吐蕃
州諾州遂叛歸吐蕃尋復進攻松州後仍入吐蕃

廢諾州

廢麟州均唐貞觀五年置在松屬西南邊

廢劍州治屬西南唐貞觀五年置後廢

廢霸州治屬西南唐貞觀間置儀鳳後省天寶初改信安縣乾元

時復改霸州

昭德廢縣唐天寶初置雞川廢縣天寶二年置均在縣西南五年

分二縣地置眞符縣升昭德爲郡治乾元初改眞州尋廢

悉唐廢縣治屬西南地名悉唐川唐顯慶初置縣兼置悉州咸亨

初改置南和州天授改靜州又分縣之靜川地置靜居縣清道縣

天寶初改靜川郡後省

峩和廢縣漢蠶陵縣地在壘溪營北元和志縣南至翼州六十里本

志在壘溪所北六十里永鎮橋

廢岨州治屬西北唐貞觀間以黨項地置岨奉宥遠等州

廢牙利縣治屬西南小龍山下唐置舊有歸化縣城號符堅城

廢潘州渡河一統志在廳北四百八十餘里舊志相傳漢武遂諸羌

皆陷於吐蕃宋崇寧三年秦招撫司言及階州生蕃納土得下三

松潘縣志

卷二 古蹟

三

州元屬吐蕃宣慰司班明初併設松州潘州二衛後併爲松潘之衛今

阿尖砦即上潘州班明初併下潘州舊漳臘堡設於此二州之間

即中潘州也去衛二百五十餘里

白岸城在壘溪營西唐志翼州有白岸城按唐貞元中韋臯破吐

蕃論莽熱兵進屯白岸西山諸羌皆降卽此

雞棲城在壘溪營西南一統志唐貞元十九年韋臯討吐蕃遣將

邢毗出黃崖畧雞栖老翁城寰宇記雞栖川在悉州東南二百里

按元統志又有雞栖村在茂州東北一百七十里有三路一通茂

州一通龍州一通縣州皆吐蕃險要之地今在石泉界非此地也

廢軌州在廳西北一統志本党項羌地唐書西域傳党項漢西羌

別種魏晉後微甚周滅宕昌鄧至而党項始強其地古析支也東

距松州西葉護南春桑迷桑等羌北吐谷渾山谷崎嶇大抵三千里姓別爲部貞觀三年其酋細封步賴舉部降以其地爲軌州其後諸酋長悉內屬以其地爲踞奉巖遠四州後拓拔赤辭亦內屬以其地爲懿嵯麟可三十二州以松州爲都督府後內從地屬吐蕃

廢翼州一統志在疊溪營西隋志汶山郡翼針縣後周置及翼針郡開皇初郡廢元和志翼州北至松州一百八十里西至悉州三百二十里治翼針縣周武帝置本漢蠶陵縣也周天和元年討蠶陵羌於七頃山下置翼州以翼討水爲名隋大業二年省州改置利山鎮唐武德元年復置其城西枕大江南面臨溪舊唐志翼州

松潘縣志

卷二 古蹟

四

隋汶山郡之翼針縣武德元年分置翼州六年自左封移州治於翼針咸亨三年移就悉州城內上元二年移遷舊治天寶初改爲臨翼郡乾元初復爲翼州治衛山縣本隋翼針縣治七頃城貞觀十七年移治七里溪天寶元年改爲衛山寰宇記翼州南至茂州一百二十里西南至悉州一百五十里明統志翼州城在疊溪所城南衛山廢縣在所西五里按隋唐志皆作翼針元和志作翼計舊唐志寰宇記作翼針今從隋唐志

廢當州一統志在疊溪營西北隋志汶山郡通軌後周置縣及覃州并覃州榮鄉二郡開皇初郡廢四年州廢舊唐志州初治利川鎮儀鳳二年移治蓬白橋天寶元年改江源郡乾元元年復爲當

州元和志當州東北至松州二百十里東南至翼州二百七十里本蠶陵縣地貞觀三年置通軌縣屬松州二十一年於縣置當州仍以羌首領爲刺史寰宇記大歷五年移州入山險要害之地以備吐蕃宋志茂州領羈縻當州

廢悉州一統志在疊溪營西隋志汶山郡左封縣周置曰廣平及廣平郡左封郡開皇初郡竝廢仁壽初縣改名又周置翼州大業初廢元和志悉州東至翼州二百二十里西南至靜州六十里顯慶元年分當州置有悉唐川因以爲名其首領任刺史領左封縣東南至州二十里後於此置廣平縣新舊唐志左封下置翼州六年移州治二十年屬當州顯慶元年置悉州於悉唐以縣屬之咸

松潘縣志

卷二 古蹟

五

亨元年移州來治載初元年移理東南五十里匪平川天寶初改歸誠郡乾元初復曰悉州蓋顯慶初治悉唐非識曰與元和志不同

廢靜州一統志在疊溪營西南舊唐志靜州本當州之悉唐縣顯慶元年於縣置悉州咸亨元年于悉州置翼州都督府移悉州理左封儀鳳二年翼州還治翼針於悉唐縣置南和州天授二年改爲靜州屬隴右道隸松州都督後割屬劍南道治在悉唐川也元和志州東至悉州八十里東北至當州六十里西北至柘州三十里本漢蠶陵縣地天授元年置其城據山甚險屬治悉唐縣領靜居縣西至州二十四里又領清道縣竝顯慶元年與悉州同置天

授元年割屬寰宇記州西南至恭州界六十里西北至柘州三十
五里宋史茂州諸部落有靜州蠻

廢恭州一統志在疊溪營西南舊唐志天寶元年改恭化郡乾元
元年復曰恭州元和志州西南至維州二百五十里東北至柘州
一百里開元二十四年分靜州部落於柘州西置治和集縣舊曰
廣平縣屬靜州天寶元年改名領博恭縣至 州二百五十又領
烈山縣西南州五十里按以上諸州唐廣德後皆陷吐蕃
翼水廢縣一統志在疊溪營南隋志汶山郡翼水縣後周置龍求
又置清江郡開皇初郡廢縣改曰清江十八年又改名焉元和志
縣北至翼州六十里本漢蠶陵縣地

松潘縣志

卷二 古蹟

六

利和廢縣一統志在疊溪營西唐置屬當州元和志縣西南至當
州三十里周天和元年於此置廣平縣尋廢顯慶三年於廣平舊
城置又有谷利縣東至州六十里文明元年開生羌置
石臼故成一統志在疊溪營元和志在衛山縣北六十里大江之
西峩和縣界

按以上廢郡州縣悉依四川通志輿地彙鈔原本記載歷代
廢置改徙與見今之地址名稱雖各不同然俱隸屬於古松
州治故照全文附錄以備將來考古者之一助云

羈縻二十五州考

岨州 唐貞觀元年置領縣二江源落稽

懿州 五年置領縣二澗源落英

麟州 五年置領縣七破川和善具砮源三交利恭東陵

雅州 五年置領縣三新城三泉石隴

藁州 五年置領縣四都流寧遠臨泉臨河

可州 四年置領縣三義成清化靜方

遠州 四年置領縣二羅水小部川

奉州 三年置領縣三奉德思安永慈

巖州 五年置領縣三金池甘松丹巖

諾州 五年置領縣三諾川歸德離渭

蛾州 五年置領縣二常平那川

彭州 三年置領縣四洪川歸遠臨津歸正

軌州 二年置領縣四通川玉城金源俄徹

盍州 四年置領縣四湘水河唐曲嶺祐

直州 五年置領縣二集川新川

肆州 五年置領縣四歸唐方藜鹽水磨川

位州 四年置領縣二位豐西使

玉州 五年置領縣二玉山帶河

松潘縣志

卷二 古蹟

嶂州 四年置領縣四洛平顯川桂川顯平

祐州 四年置領縣二廓川歸定

澗州 二年置

臺州 六年置

橋州 六年置

序州 十年置

嵯州 十年置

右俱貞觀之時招慰黨項羌者舊屬隴右道改隸松州都督府永徽以後或叛或臣制置不一今並廢省聊備古跡而已

天下郡國利病書

鍊丹臺治城赤松觀後高數丈相傳赤松子鍊丹處今圮

霄雲塔治城外東山頂高三丈三尺清同知何遠慶建宣統辛亥

燬

文明塔治東小河

鼓樓治城內十字街氣象崇宏爲城中傑構清光緒二十七年被焚

撫松亭治署東番燬

永泉亭治城東金蓬山下明都督李安建今廢

彩雲亭治城南門外清總兵夏毓秀建宣統辛亥燬

瑞麥亭有二一在治城西明正統中建一在城南清總兵夏毓秀建均燬

七層樓治城內衛崖麓唐李衛公籌邊時建清咸豐庚申燬

〔灌縣王澤皋詩〕籌邊集議禦羌戎傑構爭傳李衛公百尺俯臨

松潘縣志

卷二 古蹟

八

江水碧七層高映夕陽紅天低北斗星辰摘地控西陲壁壘雄
俯視孤城盤馬處千秋遺憾未成功

西來萬里大荒秋肅氣寒光滿戍樓馬到塞邊難駐足人從天
外獨昂頭羣山奔赴留空影一水喧騰任急流惆悵江關懷往
事斜陽衰草不勝愁

〔邑人湯寶之七層樓懷古〕攀梯直上七層樓瞰破羈縻廿五州
德裕不來誰靖虜章和以後幾封侯江通湔汶今猶古山接崑
崙夏亦秋本是漢唐征戰地邊防多在此間籌

轉經樓治城中大悲寺內樓中豎一輪名曰金輪佇藏佛經甚夥
高一丈週二丈中分八格軸端上下相繫若戶樞然人居格中用

乃推輪則旋迴如飛每旋迴一次即如代唸藏經一遍番變燬
徐中山第明徐達數世孫名佳胤萬曆間松潘指揮僉事創建徐
中山第屋宇堂皇有樓一座供俸明太祖暨徐國公繪象中懸開
國元勳匾額有聯云破虜平蠻功蓋古今人第一出將入相才兼
文武世無雙兩旁大櫃內儲御賜冠帶各項寶物甚多冬至節聚
族人祀之咸豐庚申被燬族亦零落徐鎬徐連均其裔也
城隍廟古松治城城隍廟前共十四株圍八尺高約十丈古幹離
奇龍鱗遍體屢經兵火此樹猶存

黃龍洞縣東七十里黃龍寺內相傳黃龍真人胎息處也洞深莫
測積年石乳凝成佛像龍蛇等狀時有水泉滴瀝朱晦翁詩云一

松潘縣志

卷二 古蹟

九

竅有泉通地脈四時無雨滴天漿此洞似之矣

般若鑪治城內大悲寺殿前鑿石而成龍文雙紐高四尺不知何
代物清宣統辛亥番變鑪口微損

勇虎雄鎮銅礮重千觔形如瓶高七尺二寸上刻勇虎雄鎮字明
洪武十八年松潘指揮使司造番變失所在

金環刀治城北山下土人掘得重四十觔遂以此刀名山清宣統
辛亥之變被人拾去

丁大夫明御史大夫丁玉平吐蕃置松州潘州二衛召諸砮酋長
約以誓詞鑄銀鏢上諸番得之寶如神物號爲丁大夫

鐵兜鍪縣屬北定關山後相傳前代某將軍戰勝夷人遺此示威

至今夷人不敢褻瀆

備警梵音鐘治城大悲寺內事詳八景註

義馬墳縣東五里事詳政蹟堯彀傳

唐李衛公籌邊樓故址碑豎衛崖麓清同知何遠慶書

明羅司寇厚德碑豎城隍廟側記列文苑

安邊政績碑爲羅綺立

清總鎮張元佐保惠碑大悲寺側記列文苑

赤松觀碑城東南隅碑文剝落

文廟碑有二明物也一景泰年立一萬曆年立均有記清宣統辛亥燬

松潘縣志

卷二 古蹟

十

參府題名記碑縣屬東小河營城記列文苑

清振威將軍原任廣西陸路提督馬元神道碑

清建威將軍江南提督沈洪神道碑

清振威將軍蒲尙佐神道碑

清振威將軍蒲昆神道碑

清同知張中寅殉節碑下水關祠內清總督錫良撰記宣統辛亥燬

漳臘忠烈總墓碑記詳墳墓

清同知劉廷恕社稷壇碑北門外記列壇廟

清同知劉廷恕重修書院鼓樓碑記列文苑

威鳳碑城隍廟內碑首刊鳳形下刊松州城三字篆文年代不可考

清同知何遠慶德政碑序列文苑

清總兵陳濟清德政碑

清總兵夏毓秀威鎮西陲德政碑縣屬南坪夏公祠內記列文苑

清同知黃汝楫雪泥鴻爪碑西門頂上記附崇山

重修文廟碑

建修城隍廟碑

重修高初兩等學堂碑

武侯祠碑南城外清光緒初王世萬撰記宣統辛亥毀

松潘縣志

卷二 古蹟

十一

關帝廟碑

映月橋碑

通遠橋碑

古松橋碑

松潘八景

溫江徐荆船

〔舌橋春漲〕小閱步城東官橋番路通山危支怪石江遠送長虹
急浪溜華雪梯楊迎曉風莫謂來源細敷利盡寰中

〔鑪峯曉烟〕大造眞如鑪鑄石秀且整每值晴明晨烟簇幻清景
爨火逗林角梵鐘響西嶺一縷直雲中已成天柱影

〔金蓬晚照〕金蓬本羌酋曾此聚餘族只今遺塚在蒼苔篆山麓

古今誰英雄時世迭往復夕陽隱西山殘暉挂林木
龍潭映月龍卧久不起離亂誰爲戡長留太古月亭亭照幽潭
萬籟此俱靜羣峯相對參何時現驪珠一任遊人探
天悲梵鐘古梵豈靈境間時留異踪能言住瓦雀活爪嵌盤龍
直烟望遠鼎皚雪連高峯可惜邊警告路遙不聞鐘
赤松古蹟赤松古仙子不詳何姓名相傳數株樹依觀盤鬱生
軍代改秦漢奇離存蜀岷誰氏薄帝師往訪遊太清
風洞秋聲大風何方來無起亦無止雄關值山脊古洞當崖裏
絕無歸鳥飛應有嘯虎起寄語行路人日午須早已

雪欄霽色雄關直山半雪積無路通萬象一覽盡白雲相與籠

松潘縣志

卷二 古蹟

十二

雨餘銀筍出烟劃玉廬空昂首卓天外當有西王宮

八景總詠

爲探名勝陟松城通遠橋頭水漲生曉望雪欄添霽色夜聞風
洞作秋聲峯如玉鼎朝烟矗塚記金蓬晚照明何事赤松覓西
母靜欹潭水聽鐘鳴

山泉總詠

羊膊蛇行岷嶺橫蘭花香處聽鐘聲泉因濟世中常熱山不依
人骨自撐只有玻璃能映雪豈惟弓楨礙行程平生不羨珍珠
美惟愛城南馬跡輕

八景

成都劉炯

松州徼外覺春迴江鎖長橋霽色開列嶂猶凝殘雪在寒澌時
帶斷冰來濫觴水自添新漲題柱人誰埽碧苔徙倚欄干閒眺
望邊城柳色傍樓臺

古橋春漲

雙峯秀插碧雲間鬼斧誰劖此博山曉日初升雞唱後晴烟直
上鶴冲還氣連岷嶺千尋翠色映江源幾派殷縹緲時從天外
望莫教人誤作仙寰

鑪峯曉烟

落照蒼山起暮雲羌酋故宅古今聞夜惟狐兔眠荒塚日見牛
羊下夕曛崖掛飛泉誰斫劍地尋鑿石有遺文蠻花寂寞斜陽
裏天際歸鴉正叫羣

金蓬晚照

雲淨天空月影侵戍樓人靜碧潭深波光瀲灩龍驚窟夜色淒

松潘縣志

卷二

古蹟

十三

清鳥宿林隔水夷歌聽近遠連宵兔魄看浮沈問誰滌盡塵寰
事到此安禪悟道心

龍潭映月

曉度蓬婆月色低晨鐘遙辨出招提殿前昔禁神龍走樓外時
驚犵鳥啼旅夢幾番聽戍客梵音半夜起闍黎但須番漢烽煙
靖報警何勞幻說迷

大悲梵鐘

古觀刳灰只赤松孰從邊塞訪仙踪空壇近日惟遊鹿老樹經
霜欲化龍殘照常留紅葉晚吟濤不礙白雲封未知辟穀當年
侶是否尋真此地逢

赤松古蹟

戍鼓蠻鉦晝寂寥惟聞古洞起寒飈洪濤驟聽千山雨絕磴驚
來八月潮落日塵沙飛颯颯長年木葉響蕭蕭東風玉壘重迴

首萬里晴空一雁遙

風洞秋聲

千年積雪共雲浮極目雄關在上頭萬里寒光凝遠黛四圍晴
色淨高秋玉峯環擁朝如洗銀漢遙通夜欲流料得當時圖要
隘籌邊盡入贊皇樓

雪欄霽色

八景

灌縣王澤皋

通遠橋邊望不迷雪消春漲水平隄綠波泛泛鴨頭縐紅板條
條雁齒齊泊岸有時杯欲渡濟川終古柱須題江源浩淼長虹
卧風雨圖中客杖藜

古橋春漲

兩山對峙有鑪峯破曉清煙直上衝屏障四圍青靄合松杉萬
壑白雲封螭盤古鼎疑無迹鶴避遙天頓失踪不覺侵晨初炫

松潘縣志

卷二

古蹟

十四

彩凌霄佳氣鬱葱蘢

鑪峯曉烟

薄暝蒼茫景色多時聞山下唱羌歌游人出眺筇攜竹樵客言
歸斧爛柯寒谷不吹鄒氏管軍門初返魯陽戈金蓬頂上情無
限猶借餘暉映薜蘿

金蓬晚照

莫測澄江水淺深祇疑潭底有龍吟月明上下波揩鏡珠漾中
邊影漱金浴兔晶光涵萬象探驪神照澈千尋觀空悟到虛靈
境一掬清流鑒此心

龍潭映月

梵鐘遠徹雪山巔不信前朝說備邊半夜泠泠敲素月一聲隱
隱破孤煙關心魚鑰城頭聽入耳鯨鏗殿角傳悟得箇中消息
透只從寺裏證因緣

大悲梵鐘

子房一去久無踪古觀何年植赤松過客偶來談漢事大夫終
不受秦封荒苔剝蝕秋烟冷老樹皺鱗間氣鍾抵勝穀成山下
路追尋黃石渺難逢

赤松古蹟

秋聲颯颯滿空山萬樹陰森風洞關一竅突驚天籟發幾人相
值俗塵刪下從崖穴幽深處上徹雲衢咫尺間中有神靈司橐
籥元功及物濟時艱

風洞秋聲

積雪晶瑩曉霽開嵐光縹緲若浮來寒堆陰嶺連三戍晴入遙
峯照九陔矗頂已涵銀世界當頭如見玉樓臺憑欄四望虛無
際贏得凌空老鶴回

雪欄霽色

八景

邑人馬西乘

松潘縣志

卷二 古蹟

十五

輿梁百尺架鼉鼉春暖冰融起碧波浪簇銀花魚著絮沙飛玉
片鴨眠渦芳洲雲斂天光淨紅板霜消日色和遠溯江源由此
上岷出相去路如何

古橋春漲

尺工巧鑿嶺爲鑪萬縷晨煙繞玉都春靄博山開曙色丹成寶
鼎篆祥符岩花隱約紅光暗澗草迷離翠色無一氣氤氳騰不
散漫疑仙子爇香廚

鑪峯曉烟

金蓬山頂日西斜一抹紅光豔晚霞返照橋唇飛赤綺半含石
嘴燦丹砂荒烟蔓草羌酋塚紅樹青山野老家際此夕陽無限
好寒林初見有歸鴉

金蓬晚照

深潭澄碧淨無埃一粒金丸水底來幾似龍宮懸寶鏡恍疑蚌

腹剖珠胎空明境界諸仙領浩蕩乾坤萬象該最是一番清趣
味令人神曠到瑤臺

龍潭映月

神僧遺蹟衛崖前半夜鐘聲徹遠天龍動欲飛岷水外鯨鳴□
度雪山巔夢回情海曇方布悟入靈根月正圓喚醒癡迷須猛

省富知人世有桑田

大悲梵鐘

仙宮突兀傍城南紫氣騰騰鎮日涵鶴駕已曾飛上界蚪枝無
復護靈龕千秋香火雲生壁一陣濤聲月滿潭舊跡丹瓢如可
訪從遊辟穀意誠甘

赤松古蹟

古洞幽深竟日風臨秋倍覺大王雄蕭蕭響避崖前鹿發發驚
飛塞外鴻林木摧殘青蓋盡邊關撼動白雲空試研歐子形勞

松潘縣志

卷二

古蹟

十六

句速遠寒飈慎乃躬

風洞秋聲

雪欄關外雪初晴縹緲晶瑩景象清半壁寒光銀作障三邊曙
色玉爲城填平暗谷心無險冷到豪門氣不橫試看戍樓簷溜
結冰心可鑑我平生

雪欄霽色

八景

湖南善化陳開黼

數丈虹飛古渡橫春江水漲白波生東郊煙雨和畊釣西塞關
山接驛程爲待題詞留柱影何須杭葦抵舟行城居省得陽和
候好潤胸懷賦遠征

古橋春漲

峯如寶鼎城南峙縷縷晴光帶碧烟丹竈未曾留鶴駕博山誰
與爇龍涎回光試煉蓬萊藥結篆疑開華嶽蓮雪後寒山漫惆

悵春風吹綠草芊芊 鑪峯曉烟

山巢聚族古時羌五里郵亭弔北邙舊日牧耕依水草祇今原
野下牛羊烽烟掃盡崖猶赤壁壘消餘石已黃遺塚尙存一抔
土千秋樵採話斜陽 金蓬晚照

明月如珠上下浮澄潭時見蟄龍求須防睡去能常盜好趁春
來出細流鰕蚌莫嫌同室處風雲遇合十洲游廣寒宮殿遙相
對也聽姮娥譜曲不 龍潭夜月

城西古寺訪禪宗曲徑幽深碧蘚封幻夢不知身化蝶遺踪猶
見佛降龍九年面壁知凡聖千日磨磚作冶鎔塵世誰能叅妙
諦雪山微聽一聲鐘 大悲梵鐘

松潘縣志

卷二 古蹟

十七

杖履閒尋古赤松紅羊刦過賸仙蹤槎枒幾樹何時種蒼翠千
年不改容却有濤聲娛野客祇嫌虛祿避秦封功成懶佩黃金
印獨羨留侯辟穀從 赤松仙蹟

萬竅齊鳴遠應龜誰思猛士起高歌時愁江海驚濤湧轉見園
林落葉多宗慤少年期志向醉翁晚歲賦蹉跎捲簾桂蕊飄香
入走馬長安想玉珂 風洞秋聲

萬樹梨花向日開霓裳舞罷降瑤台疎慵高卧山中士點綴先
看嶺上梅此際廟堂應獻頌誰知草野有遺才年年預卜昭豐
穩巖壑平鋪玉作堆 雪欄霽色

松潘縣志卷二

田賦

清雍正六年奉行清丈至乾隆五十七年徵輸止報部原額屯田糧二百石三斗一斛一勺九抄地畝無可考改徵屯租銀一百二十四兩七錢八分七釐下地二十八頃六十五畝徵丁條糧銀三十一兩五錢一分五釐火耗銀二十三兩四錢五分五釐乾隆五十八年增入黑河溝下地二千五百五十六畝徵丁條糧銀二十八兩一錢一分六釐火耗銀四兩二錢一分七釐嘉慶十年增入達舍溝下地六百九十六畝徵丁糧銀七兩六錢五分六釐火耗銀一兩一錢四分八釐嘉慶十七年報部共徵糧銀一百九十二

松潘縣志

卷二 田賦

一

十三

兩零七分五釐火耗銀二十八兩八錢一分零二毫

一包子寺毛革蛇灣等寨番民認納青稞折淨倉斗米三十五石二斗五升歸松潘鎮中營徵收散支兵食

又峩眉喜七布等番民認納青稞折淨倉斗米二十二石五斗照松潘鎮兵米每斗折銀一錢六分四釐例折徵銀三十六兩九錢亦歸中營徵收支散兵餉

一阿思崗業架等寨番民認納青稞折淨倉斗米六石七斗五升歸松潘鎮左營徵收支散兵餉

一下泥巴等寨番民認納青稞折淨倉斗米五石七斗七升五斛歸松潘鎮右營徵收支散兵餉

一郭羅克阿壩郎惰等寨番民認納青稞折淨倉斗米七十二石四升五斛歸松潘鎮漳臘營徵收支散兵食又每年認納貢馬九匹並折馬價銀二百六十五兩一錢六分亦歸漳臘營徵收抵補各營倒斃馬匹

一雲昌呷竹等寨番民認納青稞折淨倉米二十二石五斗歸松潘鎮平番營徵收支散兵食又認貝母改徵銀七十三兩八錢亦歸平番營徵收支散兵餉

一黑角郎隆康等寨番民認納青稞折淨倉斗米二十七石六升歸松潘鎮南坪營徵收支散兵食又兵丁王璽等地糧銀四兩零八分六釐八毫八絲並抹地雜八等寨番民折青稞銀二兩七錢

松潘縣志

卷二 田賦

二

十一

五分四釐亦歸南坪營徵收支散兵餉

嘉慶元年後陸續報墾徵納田畝賦銀糧石實數詳載於左

松潘舊管地糧二百石三斗一斛二勺徵屯租銀一百二十四兩七錢八分八釐下地山下地六十一頃十八畝八分徵丁條糧銀六十七兩三錢七釐

松潘鎮中營徵裁眉喜七布等寨土千戶五員共青稞米折銀三十六兩九錢

左營徵阿思崗寨土千戶青稞九石折充兵米

右營徵下泥巴塞土百戶青稞七石折充兵米

漳臘營徵上撤路木路等寨土千百戶十員共青稞一百五十九

石三斗折充兵米

平番營徵丟骨雲昌寺呷竹寺三土千戶共青稞三十石又貝母折淨倉斗米四十五石改徵銀七十三兩八錢

南坪營估種六石五斗六升徵銀四兩零八分七釐又徵羊崗芝蔴隆康等寨番民共青稞折淨倉斗米二十七石三斗六升抹地雜捌等寨番民稞糧三石折銀二兩七錢五分四釐共折淨倉斗米一百八十四石九斗五斛

以上通志

松潘向無稅銀咸豐庚申以後每年只徵丁糧時有增減因辛亥番變檔案焚燬經具文請財政司抄發別爲定額

民國元年松亂平後奉文松潘縣攤派正稅銀四百七十三兩二

松潘縣志

卷二 田賦

三

二十

錢三分一釐七毫四年奉財政部飭令丁糧一律改作銀元向征庫秤銀一兩折收現行銀元一元六角照額加收征解費銀一角六仙是年七月奉財政廳詳准川省收回軍票案內附加稅每額銀一兩加收銀一元八角自四年起應解正稅銀七百五十七元一角七仙一星應解附加稅銀八百五十一元八角一仙七星應解征銀七十五元七角一仙七星正稅附稅征解合計每年共解銀一千六百八十四元零五星

民國二年奉巡按使令調查縣屬地畝因松潘無水田概屬旱地播種青稞小麥爲大宗外則有胡豆豌豆羊芋餘無別種其地土統名山地習慣不以畝計按種分別高山平壩定以價值查民國

四年統計案內實查附近山地三千九百二十五畝園圃二百八十四畝東南西北四路計八千六百一十七畝合計一萬二千八百二十六畝

屯田

漢趙充國設金城一十二屯政統十五萬眾分十二屯營松州屯兵一萬有零置護羌校尉唐貞觀總天下之屯開府兵九百九十有奇松州亦屬府兵設都督府統之宋元屬吐蕃地至明景泰時羅綺撫治松茂復行屯田之法成化時堯或爲松潘指揮同知開闢屯田以裕兵食迨後改兵爲民屯田遂廢屯糧亦無可稽清初平定關內外松潘屬境認納地丁條糧屯田盡爲民地矣至於關松潘屯制之原委也

雜稅

松潘縣屬南路六關大小姓每年額征貝母折價銀一百一十兩零七錢查此項前清時由平番營征收折充兵米繼後綠營裁撤適值辛亥番變檔案焚燬由財政司抄發數目改由縣徵收局征解

雜糧變價

拈佑七寨

每年應納糧七石

毛革十八寨

每年應納糧二十七石

松潘縣志

卷二 田賦

四

廿一

蛇灣寨

每年應納糧五石

自木牛十五寨

每年應納糧五石

七布徐之河寨

每年應納糧四石

阿思崗十一寨

每年應納糧六石

下泥巴七寨

每年應納糧六石

深溝五寨

每年應納糧六石

和約九寨

每年應納糧九石九斗

元壩子寨

每年應納糧三石

隆康七寨

每年應納糧八石四斗

芝蔴五寨

每年應納糧八石二斗

松潘縣志

卷二 田賦

五

中田四寨

每年應納糧三石五斗

邊山七寨

每年應納糧十石零四斗

勿各八寨

每年應納糧十石

噶支葉衣勿若塘

每年應納糧十石

後山五寨

每年應納糧八石四斗

上中下三包座

每年應納糧六十一石二斗

牟尼六寨

每年應納糧六石六斗

熱霧十八寨

每年應納糧三十石

羊崗八寨

每年應納糧二十六石六斗

岩利四寨

每年應納糧二石四斗

以上每年總共額征番糧二百六十五石

國家稅

田房契稅 附官契 執據 契格 約收銀九百三十三元七角三仙

田房典契稅 附工本 約收銀三十三元六角

屠宰牛稅 約收銀一千五百七十六元

屠宰羊稅 約收銀三百五十七元九角六仙

屠宰豬稅 約收銀四百五十七元

郵件統捐稅 約收銀三十一元七角六仙八星

菸酒牌照稅 約收銀一百五十八元四角

屠宰稅執照工本 約收銀二十九元一角

松潘縣志 卷二 田賦

六

廿三

豬稅提加專款 約收銀六十七元

中資捐 約收銀十二元九角

以上係民國五年全年收數但此稅以後畧有增減不得據
為常例

地方稅

羊毛 收錢三千二百七十一釧四百六十八文

羔皮 收銀二千零七十五元

麝香 收銀四百六十元零一角八仙

鹿茸 收銀五百二十元零二角

鹿角 收銀一百一十七元五角

貝母

收銀二百二十一元六角

牛馬羊皮

收錢七百七十三釧五百三十文

出關牛馬羊

收錢二百四十九釧五百四十文

雜藥

收錢四百九十六釧六百五十文

乾肉青鹽
酥油馬尾

收錢七十四釧六百四十二文

米麵

收錢二百八十釧文

雜稅

收錢三十一釧一百五十九文

以上各項亦不得認為常年定數

行政經費

知事薪俸月支銀三百元

辦公費四百五十元

松潘縣志

卷二 田賦

七

案牘科月支銀五十元

庶務科月支銀五十元

統計科月支銀五十元

實業科月支銀五十元

承審員月支銀六十元

徵收局月支銀一百元

管獄員月支銀三十二元

辦公費二十元

南坪縣佐月支俸銀九十元

辦公費一百一十元

松潘縣志卷二

戶口

唐永徽五年勅天下二年一定戶口松州四縣戶千七十六口五千七百四十二通志

清雍正六年龍安府新收松潘衛彰明縣共四縣一衛實戶七千七百五十通志

嘉慶元年以後松潘直隸廳報部戶口全數於原額增添一萬五百五十四戶男二萬七千二百三十丁女二萬四千七百七十二口共男女五萬二千零二丁口

宣統二年具報松潘廳漢民五千七百八十七戶男女三萬三千

松潘縣志

卷二 戶口

一

五百二十八丁口

以上全係漢民番民另載土司志

松潘縣志卷二

鹽政

松潘無鹽井原額陸引二百六十九張每張征正課銀二錢七分四釐四毫共征銀五十九兩六錢五分五釐二毫每張征羨餘截角銀四錢二分七釐六毫共征銀九十三兩三錢四分零四毫定於直隸潼川州買鹽回松行銷後潼川州陞府仍於潼川所屬三台縣水窄灣水草壩白雲觀等處鹽井廠配鹽乾隆二十七年增引七十一張共額引二百九十張征正課銀七十八兩九錢九分六釐征羨餘截角銀一百四十二兩零合計共征銀二百零三兩咸同以後兩次變亂案牘被焚無考民國未有定額各商由省買

松潘縣志

卷二

鹽政

一

二

運官鹽暫時接濟

松潘縣志卷二

茶法

唐建元中稅天下茶川省稅茶自此始

通志

宋建炎二年成都路運判趙開主管川陝茶馬迺更茶法用茶引

使商人園戶市茶

通志

明嘉靖四年定例每年布政司差官赴京請印引目五萬道送管茶官收貯分別邊腹等地聽商赴管茶官報明給以引日照買照賣立限截角回繳給引行銷松潘向未定額迨隆慶三年以川省每年戶部關引五萬道定額邊引四千道行銷松潘

清雍正八年定川茶徵稅例向章論樹之大小園之廣狹以定稅

松潘縣志

卷二 茶法

一

三

額未爲允當應將茶稅照觔收納方得其平四川巡按憲德疏交戶部議准定每觔課銀一釐二毫四絲隨向章定額引稅赴地方官照數完解每引一道運茶一百觔每茶一千觔准帶附茶一百四十觔外加耗茶十四觔如有多帶照私治罪應將行茶商人姓名產茶州縣稅課詳細造冊報部

通志

乾隆六年四川巡按碩色奏請酌減松潘地方行茶邊引戶部議覆從之

通志

乾隆三十六年以後川省行茶邊腹土引每張征課銀一錢二分五釐邊引每張征稅銀四錢七分二釐腹引每張二錢五分土引每張三錢六分一釐今將各府州縣地方邊引配正附茶觔運至

松潘發賣引張暨課稅銀兩實數備載於左

通志

成都縣行邊茶引二千八百六十張共征稅銀一千三百四十九兩九錢二分

華陽縣邊引一千二百九十張共征稅銀六百零八兩八錢八分
崇甯縣邊引五百九十張共征稅銀二百七十八兩四錢八分

灌縣邊引四千四百六十九張共征稅銀二千一百零九兩三錢六分八釐

彭縣邊引二千五百三十張共征稅銀一千一百九十四兩一錢六分

新津縣邊引六十張共征稅銀二十八兩三錢二分

松潘縣志

卷二 茶法

二

什邡縣邊引九十九張共征稅銀四十六兩七錢二分八釐

江津縣邊引一百張共征稅銀四十七兩二錢

廣元縣邊引五十張共征稅銀二十三兩六錢

平武縣邊引三張共征稅銀一兩四錢一分六釐

石泉縣邊引四百一十六張共征稅銀一百九十六兩三錢五分

一釐

丹稜縣邊引一百張共征稅銀四十七兩二錢

大邑縣邊引一千八百張共征稅銀八百四十九兩六錢

合江縣邊引二百張共征稅銀九十四兩四錢

安縣邊引一千七百八十四張共征稅銀八百四十二兩零四分

八釐

綿竹縣邊引二百四十六張共徵稅銀一百一十六兩一錢一分二釐

茂州邊引七百九十一張共徵稅銀三百七十三兩三錢五分二釐

汶川縣邊引一千五百零六張共徵稅銀七百一十兩八錢三分二釐

又按行茶邊引每張征羨餘銀一錢二分四釐各州縣行銷松潘引一萬六千三百四十六張共征羨餘銀二千零二十六兩九錢四釐各州縣代銷行松潘引二千六百七十七張共征羨

松潘縣志

卷二 茶法

三

餘銀三百三十一兩九錢四分八釐

邊引內各州縣行銷松潘引每張征截角銀一錢共征銀一千六百三十四兩六錢各州縣代銷松潘引每張征截角銀一錢四分二釐共征銀三百八十兩一錢三分四釐

松潘向不產茶亦無征收稅課額引上項稅課銀兩由商人赴本州縣上納征解松潘於茶到收其引張發還各州縣繳銷各州縣運茶至松汶川茶關興文坪茂州石榴關松屬平番關東門關均設官稽查茶進東門關卡抓毀印花由各商自行銷售

咸同之間邊引之外復行票茶安縣則有副票堰工票茂州有增辦照票此項行銷票茶商人買配運松由松潘廳征茶息逕解鹽

茶道沿途關卡照章開支按季造報道署查核

民國建元改引爲票松潘各行商連環出保公舉總商一名由四川財政廳具領每票一張征銀一兩任各商於產茶地方採配大包重一百二十二觔小包重六十六觔每票一張配大茶一包征銀一兩每大茶票一張配小茶二包征銀一兩全年約行三萬餘票所有稅課雜征羨截餘平暨各項浮費流弊一律禁除由財政廳定章立案永遠遵守

松潘縣志卷二

權政

明松潘東北二門皆征雜稅城東建權稅廳三間設監收通判一員管理

清初尙沿明舊例每年門稅額征二百五十兩充松潘鎮標賞需用之康熙四十三年松潘鎮總兵周文英以松潘地土寒凍稀產貨物民間日用所資皆藉東南二路商賈販運貨物入松接濟征收門稅恐商賈裹足不前詳革二門權稅乾隆三十九年廳茶撥歸商辦裁官辦廳茶於安縣增副票三百張灌縣增堰工照票二千張茂州增辦照票二千張每張征茶息銀一兩二錢二分二釐

松潘縣志

卷二 權政

一

於松潘行茶地方征收共征銀五千二百六十三兩二錢松潘於是復有權征照票不由部給由鹽茶道發給商人領票運茶到松松潘廳收票征銀將票繳回鹽茶道所征茶息銀惟安縣副票茶息准松潘廳及茂州盤查吏目每年支月費銀八十四兩石榴關巡役每年支工食銀十四兩四錢索橋澈底二關巡役每年支工食銀三十六兩廳屬西河平定二處巡役每年支工食銀二十四兩本廳書吏每年支工食銀十二兩共支銀一百兩零四錢餘銀儘收儘解歸鹽茶道報銷行茶照票松潘雖定額票四千三百張然行銷却無定也民國成立以來設征收局分國家稅地方稅凡松潘縣應收各款統歸征收局征收章程細數詳田賦志

松潘縣志卷二

倉廩

原松潘衛小河所三路額坐各倉糧九萬九千三百八十一石
明宣德十二年征蠻將軍蔣貴奏比因番人作亂松潘疊溪諸處
倉糧支銷殆盡別無儲積帝命行在戶部於四川歲運之數量益
二分給之
清康熙三十七年定四川松潘等處貯穀雜糧改爲二分以一分
存貯以一分遇糧貴時借給兵民將此穀按年出易周而復始永
著爲令

覆准四川松潘衛存貯軍糈米作兩年平糶仍買新米貯倉五年

松潘縣志

卷二 倉廩

一

三

更換一次

康熙六十年奏准四川潘州達建寺二處新設官兵應支米折銀
照普安營之例將次年應支四季運折米價於本年秋成後即全
數領出買貯散給兼於潘州協貯米二千石達建寺貯米五百石
每於青黃不接酌量平糶借支秋成買補還倉

乾隆十四年常平倉稞麥一萬三千零五十二石社倉穀一千六
百九十七石九斗六斛二勺

乾隆三十六年碾辦軍米及郭羅克夷務四十一年凱還兵口糧
共米穀麥蕎豆粟青稞二千九百六十一石三斗四升零

咸豐庚申前松潘常平倉約存糧一萬七千數百石此外尙有武

營中之左豫倉中孚倉存糧尙多其時城中困守悉數散賑以濟
民食

宣統辛亥前松潘常平倉存青稞二千六百七十二石三斗三升
三斛三勺積穀倉存京斗青稞一百二十五石廣濟倉存青稞一
千一百二十石城陷後悉被損失

松潘縣志卷二

徭役

松潘地方向無徭役自前清平定口內外番地官兵分駐汛防遇有口外草地夷務由省憲委員帶兵出口辦理向例上三寨寒盼祈命商巴征調番兵三百名每月給口糧銀若干兩事竣作正開報由松潘文武長官會銜會印酌量夷案輕重調派若干至多三百名爲限並先行通稟各憲批准備查又下三寨牟尼大寨泥巴遇有漢土官兵出口辦理夷務遵照向章供支馱馬烏那若干酌給腳銀若干其道路遠近往返期間松潘文武長官會同酌定不得由官兵格外索派至派定名數供支番戶姓名事竣仍造報省

松潘縣志

卷二 徭役

一

十

城各憲查核備案請領作正開支

松潘縣志卷二

蠲政

清康熙二十六年奉免地丁錢糧三十三年奉免地丁糧米四十年奉免地丁各項錢糧五十年奉免地畝銀人丁銀歷年舊歉糧米雍正七年奉免地銀九年奉免各土地應納各項銀兩乾隆十一年奉免地丁錢糧及土司夷糧米石折徵銀兩十三年奉免地丁錢糧及土司夷糧折徵銀兩三十五年奉免地丁錢糧三十六年奉免各土司夷糧米石折徵銀兩三十八年奉免地丁米糧名土司夷糧米石折徵銀兩三十九年奉免緩徵地丁錢糧及各土司夷糧米石折徵銀兩四十一年奉酌免地丁錢糧及土司夷

松潘縣志

卷二

蠲政

一

十一

糧折徵銀兩十分之五四十二年奉免地丁錢糧四十三年奉免地丁及各土司夷糧米石折徵銀兩五十六年奉免地丁錢糧及各土司夷糧折徵銀兩嘉慶五六年均奉免地丁錢糧及各土司夷糧米石折徵銀兩

民國元年十二月邑紳馬聯陞沙揆藻請以收存番認罪糧撥廣濟倉每年借放民間作爲籽種春貸秋還加一歸倉極貧酌免倉首輪管民多利之

宣統辛亥城陷人民遷徙民國元年克復其時田土荒蕪饑饉薦臻知事田兆文具詳四川巡按使批准在罪糧項下撥欸平糶並飭北川茂灌三縣撥糧各二百石以資賑糶全活甚衆

松潘縣志卷二

學校

學校官原起漢武帝詔天下郡國立學校官後魏獻文帝天安初郡置博士二人助教二人唐開元二十六年縣置博士助教各一人宋慶曆四年詔諸路州軍監各立學置教授以經術行義訓導諸生掌其課試之事而糾正不如規者元世祖中統二十八年制凡師儒之命於朝廷者曰教授令於禮部及行省宣慰司者曰學正學錄教諭明制府設教授州置學正縣置教諭俱設訓導清仍明制教授則以本省進士舉人及學正教諭之俸滿者推升教諭則以恩貢拔貢副貢銓用訓導則以歲貢銓用松潘係府制設教

松潘縣志

卷二 學校

一

授一訓導一乾隆六十年裁訓導撥歸秀山清末變法改建學堂遂廢教授而設視學以掌學務民國肇造仍其制

〔文廟〕縣城東街明景泰三年侍郎羅綺建嘉靖萬曆間相繼補修崇禎八年副使史贊舜增修後燬清康熙中總兵卓策周文英相繼重建學政曾王孫有碑記列文苑咸豐庚申番變燬

〔大成殿〕同治甲子年同知鄧友仁建宣統辛亥燬民國辛酉年官紳募資重建

〔啟聖祠〕清同知周儕亮建

〔東西兩廡〕清同知鄧友仁建

〔孺星門〕清同知王葆恒建

〔戟門〕清同知周儕亮建

均於宣統辛亥燬

附典禮

清光緒三十三年三月二十九日奉 陸軍部火票遞到禮部

咨祠祭司案呈本部具奏遵議

先師孔子升爲大祀典禮事宜奉旨依議欽此

中華民國三年九月奉到祀

孔典禮

縣知事祀

孔子儀

凡縣知事每歲夏時春秋兩丁日各於所駐地方主

松潘縣志

卷二

學校

典禮

二

孔子廟祀有故則以其屬代

四配

十二哲兩廡分獻以屬官或公立學校校長在城文武委任以上亦咸與祭書祝版眡割戒具陳設省齋以其屬官爲之糾儀亦以其祿屬或學紳執事以地方員紳學校教員及學生之嫻禮儀者選充散齋二日致齋一日前一日飭廟戶潔掃庭廡內外供張如儀正獻官率執事人入廟習儀樂舞諸生入廟習舞習吹祭之日行禮儀節均與各地方長官道尹祀

孔子儀同

右祀儀

祝辭曰維某年月日某官某致祀於

至聖先師孔子曰維

先師德叅化育道貫古今集羣聖之大成炳前知以垂憲天下爲
公中國一人之量生民未有六經千載之心循宮牆而瞻富
美入室升堂隆俎豆而奉馨香先明後法茲當上丁祇率彝
章肅展微忱聿將祀典以

復聖顏子

宗聖會子

述聖孔子

亞聖孟子配鳴呼聲名所屆血氣莫不尊親光景常新禮樂明

松潘縣志

卷二

學校

典禮

三

其裡祀尙饗

右祝辭 迎

神樂奏昭和之章辭曰大哉

孔子先覺先知與天地參萬世之師祥徵麟紱韻答金絲日月既
揭乾坤清夷初獻樂奏雝和之章辭曰永懷明德玉振金聲
生民未有展也大成俎豆千古春秋上丁清酒既載其香始
升舞干戚之舞亞獻樂奏熙和之章辭曰式禮莫愆升堂再
獻饗協鼗鏞誠孚壘甌肅肅雍雍譽髦斯彥禮陶樂淑相觀
而善舞羽籥之舞終獻樂奏淵和之章辭曰自古在昔先民
有作皮弁祭菜於論思樂惟天牖民惟聖時若彝倫攸敘至

今木鐸舞如亞獻徹饌樂奏昌和之章辭曰

先師有言祭則受福四海鬻宮疇敢不肅禮成告徹毋疏毋瀆樂所自生中原有菽送

神樂奏德和之章辭曰鳧繹峨峨洙泗洋洋景行行止流澤無疆

聿昭祀事祀事孔明以化烝民以育膠庠

右樂章樂舞

崇聖祠同時致祭正獻以國立或公立學校校長分獻以屬官或地方員紳執事以地方員紳或學校教員學生餘陳設行禮並同各地方長官祀

崇聖祠祭儀

松潘縣志

卷二 學校 典禮

四

右祭

崇聖祠

祝辭曰維年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公曰維

王垂裕後昆光開聖緒爲層冰之積水作人輅之椎輪旣祖功而宗德必有達人亦木本而水源不忘數典茲屆上丁聿修

祀事配以

先賢孔氏

先賢顏氏

先賢曾氏

先賢孔氏

先賢孟孫氏尙 饗

右祝辭

清咸豐八年

關聖升入中祀改稱武廟建立宮牆

中華民國三年十一月二十日奉到

松潘縣志

卷二 學校 典禮

五

大總統申令

關岳合祀典禮

殿內正位左奉

關壯穆侯右奉

岳忠武王均南嚮兩序奉

歷代忠武將士張飛王濬韓擒虎李靖蘇定方郭子儀曹彬韓世

忠旭烈兀徐達馮勝戚繼光東位西嚮趙雲謝玄賀若弼尉遲敬

德李光弼王彥章狄青劉錡郭侃常遇春藍玉周遇吉西位東嚮

均北上歲以春秋分節氣後第一戊日由駐在該地方各文武推

官職較高者一人親詣敬祭

官職相等者皆為陪祭如將軍

官職

較次者二人東西序分獻糾儀以軍官警官各一人執事人各以其屬及地方官紳學校教員學生之嫻禮儀者選充在該地方各軍官警官及兼有軍警職各文官一體與祭同城文官均不另祭祭之日陳設祭品行禮儀節均與京師遣祭

關岳廟禮同

右祭儀

祝辭曰惟某年日某地方某官某敬祭於

關壯穆侯

岳忠武王曰惟

神武功彪炳偉烈昭垂建大節於千秋振英風於六合忠誠正直

松潘縣志

卷二 學校 典禮

六

麗河嶽而長流智仁勇功與日星而並耀潔馨香而合祀德量同符肅俎豆以明禋心源如接惟祈

龍享克鑒精誠尙

饗

右祝辭

迎

神樂奏建和之章辭曰懿鑠兮神功震華夏兮英風義勇兮河東惟湯陰兮與同脩祀典兮方州佇降歆兮闕宮奠帛初獻樂奏安和之章辭曰神來兮格思風馬下兮靈旂量幣兮初陳薦馨兮玉卮瞻仰兮明威儼如在今軒墀舞千戚之舞亞獻樂奏靖和之章

辭曰萬舞兮洋洋禮再舉兮陳觴靈昭昭兮既留庶鑒誠兮降康
舞同初獻終獻樂奏康和之章辭曰名世兮鍾靈炳河嶽兮日星
祀事兮三成肅駿奔兮廟庭舞同亞獻徹饌樂奏蹈和之章辭曰
告徹兮禮成神其受兮苾芬明德兮惟馨播聲威兮八紘送神樂
奏揚和之章辭曰雲駕兮高翔神將歸兮九閭受福兮蒸民導我
武兮惟揚

右樂章樂舞

文廟

清順治二年定謚大成至聖文宣先師孔子十四年改謚

至聖先師孔子 康熙二十三年 御書萬世師表匾額 雍

松潘縣志

卷二 學校 典禮

七

正元年 御書生民未有匾額 乾隆三年定

孔子神位居中正南面御書與天地參匾額 嘉慶七年 御

書聖集大成匾額 道光三年 御書聖協時中匾額

歲春秋仲月上丁釋奠

大成殿正位 主高二尺三寸七分 高二尺三寸七分 高三尺三寸七分 厚七寸七分 朱地金書

至聖先師孔子

四配 主高一尺五寸 高二尺三寸 厚七寸 潤四分 朱地墨書

復聖顏子

宗聖曾子

述聖子思子

亞聖孟子

十二哲 主高二寸六分長四寸濶二寸二分厚地五分書

先賢閔子

先賢冉子

先賢端木子

先賢仲子

先賢小子

先賢有子 以上東六位

先賢冉子

先賢宰子

松潘縣志

卷二 學校 典禮

八

先賢冉子

先賢言子

先賢顓孫子

先賢朱子 以上西六位

東廡先賢四十位 主式同哲位

先賢公孫子僑 先賢林子放

先賢原子憲 先賢南宮子适

先賢商子瞿 先賢漆雕子開

先賢司馬子耕 先賢梁子鱣

先賢冉子儒 先賢伯子虔

先賢冉子季

先賢漆雕徒父

先賢漆雕子哆

先賢公西子赤

先賢任子不齊

先賢公良子孺

先賢公肩子定

先賢鄒子單

先賢罕父子黑

先賢榮子旂

先賢左人子郢

先賢鄭子國

先賢原子亢

先賢廉子潔

先賢叔仲子會

先賢公西子輿如

先賢邾子異

先賢陳子亢

先賢琴子張

先賢步叔子乘

松潘縣志

卷二 學校

典禮

九

先賢秦子非

先賢顏子噲

先賢顏子何

先賢縣子亶

先賢牧子皮

先賢樂正子克

先賢萬章子

先賢周子敦頤

先賢程子顛

先賢邵子雍

西廡先賢三十九位

主式同哲位

先賢蘧子瑗

先賢澹臺子滅明

先賢宓子不齊

先賢公冶子長

先賢公哲子哀

先賢高子柴

先賢樊子須

先賢商子澤

先賢巫馬子施

先賢顏子辛

先賢曹子邴

先賢公孫子龍

先賢秦子商

先賢顏子高

先賢穰駟子赤

先賢石作子蜀

先賢公夏子首

先賢后子處

先賢奚容子箴

先賢顏子祖

先賢句井子疆

先賢秦子祖

先賢縣子成

先賢公孫子句茲

先賢燕子伋

先賢樂子欬

先賢狄子黑

先賢孔子忠

松潘縣志

卷二 學校

典禮

十

先賢公西子箴

先賢顏子之僕

先賢施子之常

先賢申子枏

先賢左邱子明

先賢秦子冉

先賢公孫子明儀

先賢公都子

先賢公孫子丑

先賢張子載

先賢程子頤

東廡先儒三十四位

主高三尺三分五釐四分
厚一尺三分五釐四分
座如濶二寸

先儒公羊氏高

先儒伏氏勝

先儒毛氏亨

先儒孔氏安國

先儒后氏蒼

先儒許氏慎

先儒鄭氏康成

先儒范氏甯

先儒陸氏贄

先儒范氏仲淹 先儒歐陽氏修 先儒司馬氏光

先儒謝氏良佐 先儒羅氏從彥 先儒李氏綱

先儒張氏栻 先儒陸氏九淵 先儒陳氏淳

先儒真氏德秀 先儒何氏基 先儒文氏天祥

先儒趙氏復 先儒金氏履祥 先儒陳氏澹

先儒方氏孝儒 先儒薛氏暄 先儒胡氏居仁

先儒羅氏欽順 先儒呂氏枏 先儒劉氏宗周

先儒孫氏奇逢 先儒張氏履祥

先儒陸氏隴其 先儒張氏伯行

西廡先儒三十四位

先儒穀梁氏赤 先儒高堂生 先儒董氏仲舒

先儒毛氏萇 先儒劉氏德 先儒杜氏子春

先儒諸葛氏亮 先儒王氏通 先儒韓氏愈

先儒胡氏瑗 先儒韓氏琦 先儒楊氏時

先儒尹氏焯 先儒胡氏安國 先儒李氏侗

先儒呂氏祖謙 先儒袁氏燮 先儒黃氏幹

先儒蔡氏沈 先儒魏氏了翁 先儒輔氏廣

先儒王氏柏 先儒陸氏秀夫 先儒許氏衡

先儒吳氏澄 先儒許氏謙 先儒曹氏端

先儒陳氏獻章 先儒蔡氏清 先儒王氏守仁

先儒呂氏坤

先儒黃氏道周

先儒湯氏斌

先儒陸氏世儀

崇聖祠 雍正元年奉旨啓聖祠更名崇聖祠恭設五代王爵木

主 主式如四配

肇聖王木金父公位正中

裕聖王祈父公位東一室

詒聖王防叔公位西一室

昌聖王伯夏公位東二室

啓聖王叔梁公位西二室

配位 主式如十哲

松潘縣志

卷二 學校 典禮

十二

顏氏 曾氏 孔氏 孟氏

東廡 主式如先儒

周輔成 程 珦 蔡元定

西廡 主式如先儒

張 廸 朱 松

大成殿正位祭品 帛丈白色八尺長二 牛 一 羊 一 豕 一 登 一 鉶 一 籩 豆

各八 爵 三 鑪 一 鐙 二 尊 一 祝版 一 疏布 冪 勺 具

四配 各位帛 一 各 羊 一 各 豕 一 各 鉶 二 各 簋 二 各 籩 二 各 籩 六 各 豆 六 各 爵 三 各 鑪 二 各

鐙 二 各 尊 各 東 西 一

十二哲 東西帛 一 各 羊 一 各 豕 一 各 鉶 一 各 簋 一 各 籩 一 各 籩 四 各 豆 四 各 爵 三 各 鑪

一各
二各
尊各
一各

東西廡 二位共一案各位爵一 每案簠簋各一 籩豆各四 東西羊各三

豕各三 尊各三 統設香案二 每案帛一 爵三 鑪一 鐙二

樂器 麾幡首二 金鐘古十 編六 口即 玉磬古十 編六 口即 大鼓古一面 應鼓即 搏

拊鼓古二 龔座即 祝座一 敵座一 琴張六 瑟張四 排簫古二 鳳架即 笙六攢 簫六枝 笛六枝

塤二個 篪二管

樂舞 旌節首二 羽籥六副

佾舞數 唐樂用宮懸舞用六佾明初用六佾成化十三年增

為八佾嘉靖九年仍為六佾佾舞生三十六人 樂工五十二人

清因之

松潘縣志

卷二 學校 典禮

十三

樂譜

春夾鐘清商 立宮 倍應鐘清宮 變 主調

秋南呂清徵 立宮 倍仲呂清角 主調

迎神昭平之章

大哉孔子 先覺先知 與天地參 萬世之師

祥徵麟紱 韻答金絲 日月既揭 乾坤清夷

初獻宣平之章

予懷明德 玉振金聲 生民未有 展也大成

俎豆千古 春秋上丁 清酒既載 其香始升

亞獻秩平之章

式禮莫愆 升堂再獻 響協鼗鏞 誠孚罍鬯

肅肅雍雍 譽髦斯彥 禮陶樂淑 相觀而善

終獻敘平之章

自古在昔 先民有作 皮弁祭蔡 於論思樂

惟天牖民 惟聖時若 彝倫攸敘 至今木鐸

徹饌懿平之章

先師有言 祭則受福 四海鬯宮 疇敢不肅

禮成告徹 毋踈毋瀆 樂所自生 中原有菽

送神德平之章

鳧繹峩峩 洙泗洋洋 景行行止 流澤無疆

聿修祀事 祀事孔明 化我蒸民 育我膠庠

初獻作寧平舞

覺我生民 陶鑄前聖 巍巍泰山 實予景行

禮備樂和 豆籩惟靜 既述六經 爰斟三正

亞獻作安平舞

至哉聖師 天授明德 木鐸萬世 式是羣辟

清酒維醕 言觀秉翟 太和常流 英才斯植

終獻作景平舞

猗歟素口 示予物軌 瞻之在前 神其寧止

酌彼金罍 惟清且旨 登獻既終 弗遐有喜

儀注 糾儀官一員 禮生三十八名

前期二日各署設齋戒牌致齋二日前二日執事官補服至犧牲所省牲前一日執事者舉祝案送致齋所承祭官視畢送至前後殿安設一跪三叩頭退執事官補服上香監視宰牲併供毛血

正祭日主祭分獻陪祭各官朝服入兩旁門序立通贊簽祝版

引贊升堂引各官從東階上序爵序事請祝請祝版至簽名各官書名下堂從西階下

通贊啟戶各門大開樂舞生就位執事者各司其事主祭官就位分

獻官就位陪祭官就位文武東西瘞毛血司毛血生將毛血捧從中門出埋於西北隅坎內

啟牲饌蓋舉迎神樂奏昭平之章樂作引贊詣西北隅迎神引眾

松潘縣志

卷二 學校 典禮

十五

至官神降復位通贊叅神鳴贊跪叩首九行三跪興平身眾官俱立樂止

通贊行初獻禮樂奏宣平之章樂作詣盥洗所浴手淨巾詣酒

尊所司爵者舉冪酌酒升堂導承祭官由東階上入殿門左詣

至聖先師孔子神位前跪一行一跪興奠帛捧帛生以帛拱舉立獻案上獻爵執爵

生以爵跪進承祭官跪叩首興引贊詣讀祝位跪鳴贊眾官皆

接爵拱舉立獻正中跪叩首興引贊詣讀祝位跪鳴贊眾官皆

叩首退樂作引贊叩興三承叩禮行分獻禮詣復聖顏

子神位前跪叩興一行一跪奠帛獻爵如前儀跪叩首一行一跪興

引贊詣宗聖曾子神位前跪奠帛獻爵如前儀詣述聖子思子

神位前跪如前儀詣亞聖孟子神位前跪如前儀其十二哲兩廡分獻

帛獻爵亦照承祭復位承祭官從西門出西樂止通贊行亞

獻禮舉亞獻樂奏秩平之章樂作引贊升堂如初儀復位各立復

樂止通贊行終獻禮舉終獻樂奏敘平之章樂作引贊升堂如

儀獻復位各立復樂作通贊飲福受胙通贊詣飲福受胙承祭官

立捧酒胙二人取正中一爵羊左一人左膊自正位案前跪飲福酒

承祭官受爵拱手受胙承祭官受胙拱階送獻官執叩興承祭官

興復位通贊謝神鳴贊興跪承祭官各俱行三徹饌舉徹饌樂

奏懿平之章樂作牲饌稍動樂止通贊辭神舉送神樂奏德平之

章樂作鳴贊跪興承祭官俱行樂止通贊送神引贊詣送神

所眾官俱眾官打躬通贊捧祝帛饌各恭詣燎前捧祝帛生跪

松潘縣志

卷二 學校 典禮

十六

三叩捧起祝在前出承祭之官退生跪不叩捧起各送至燎所立

通贊望瘞舉望瘞樂與送樂作引贊詣望瘞位舉柴焚祝帛祝

半焚復位樂止通贊闔戶鳴贊禮畢散班

祝文 維

先師德隆千聖道冠百王揭日月以常行自生民所未有屬文教

昌明之會正禮節樂和之時辟雍鐘鼓咸恪薦以馨香泮水膠

庠益致嚴於籩豆茲當仲春秋祗率彝章肅展微忱聿彰祀典以

復聖顏子宗聖曾子述聖子思子亞聖孟子配尚饗雍正二年頒

崇聖祠正位祭品五案 每案帛一羊一豕一和羹二簋二籩二

籩八豆八鑪一鐙二尊一祝版

配位四案

東西帛一各

羊豕一各

簠簋一各

籩豆四各

爵三各

兩廡兩案

東西帛一各

羊豕一各

簠簋一各

籩豆四各

爵一各

儀注

或先期致祭或遣官同時祭朝服三跪九叩三獻無飲

福受胙

祝文 維

王奕葉鍾祥光開聖緒盛德之後積久彌昌凡聲教所覃敷率循

源而溯本宜肅明禋之典用申守土之忱茲屆仲春秋聿修祀事

以先賢顏氏曾氏孔氏孟孫氏配尙饗

名宦祠文廟內戟門東明景泰三年羅綺建明末燬清初總兵周

文英重修庚申番燬宣統二年同知丁壽芝重建辛亥番燬

松潘縣志

卷二 學校 典禮

十七

隋

竇軌

唐

梁建芳

孫仁獻

松州都督

高適

西川節度使

李德裕

西川節度使

宋

張詠

知益州

趙抃

領益州牧

明

丁玉

平羌將軍

耿忠

指揮使

高顯

指揮

曹震

景川侯

陳懷 都督

方政 都督同知

蔣貴 都督同知充總兵官

楊宏 總兵

王杲 指揮簽事

寇琛 僉都御史

沈琮 御史

羅綺 刑部侍郎

許貴 總兵

林璧 簽事

堯彧 松州駐守使

盧能 總兵

張鑽 四川巡撫

王存禮 松潘副使

范純 四川簽事

陳思忠 松潘兵備

謝琳 衛指揮使

張倫 指揮僉事

何卿 總兵

徐佳胤 指揮僉事

松潘縣志

卷二 學校 典禮

李應祥 副總兵

吳蓋臣 指揮僉事

史瓚舜 兵備副使

清

馮昌期 副總兵

王明德 副總兵

南廷鉉 松茂道

卓策 總兵

周文英 總兵

高蔭爵 松茂道

岳鍾琪 川陝總督

宋元俊 總兵

潘紹周 總兵

事實詳宦績

鄉賢祠文廟內戟門西其建燬與名宦祠同

明

堯 彧 總兵

周 滿 壬辰進士

吳 蓋 臣 指揮

清

江 瑞 圖 舉人河南息縣知縣

張 偉 奇 拔貢生

周 瑛 四川提督

張 元 佐 總兵

劉 應 標 湖廣提督

蒲 尚 佐 提督

馬 濟 副將 沈 洪 提督

馬 元 提督

事詳鄉賢

忠義祠文廟內戟門東其建燬與名宦祠同

節孝祠文廟內戟門西其建燬與名宦祠同

名宦鄉賢忠義節孝四祠遣官分祭祭品 帛一 羊各一 豕各一 籩

松潘縣志

卷二 學校 典禮

十九

各四 豆各四 尊一 爵三

儀注 公服詣祠致祭讀祝望燎行三叩禮如儀

名宦祝文 卓哉羣公懋修厥職澤被生民功垂社稷謹以牲

醴用申常祭尙饗

鄉賢祝文 於維羣公孕秀茲邦懿德卓行奕世流芳謹以牲

醴用申常祭尙饗

忠義祝文 維靈秉賦貞純躬行篤實忠誠奮發貫金石而不

渝義聞宣昭表鄉閭而共式祇事懋彝倫之敘性摯莪蒿克恭

念天顯之親清殷棣萼模楷咸推夫懿德 綸恩特闡其幽光

祠宇維隆歲時式祀用陳尊簋來格几筵尙饗

節孝祝文 維靈純心皎潔令德柔嘉矢志完貞全閨中之亮
節竭誠致敬彰閩內之芳型茹冰蘖而彌堅清操自勵奉盤匱
而匪懈篤孝傳徽 絲綸特沛乎殊恩祠宇昭垂於令典祇循
祀事式薦尊醪尙饗

武廟 雍正三年 詔加尊帝號爲忠義神武關聖大帝乾隆五
年頒定祭品儀注九年頒定祭文十年 詔加尊號靈佑嘉慶
十九年詔加尊號仁勇道光七年 詔加尊號顯赫歲春秋仲
月上辛致祭

祭品 帛一尊一爵三牛一羊一豕一登一鉶二簠簋各二籩豆
十各鑪一鐙二

松潘縣志

卷二

學校

典禮

二十

儀注 迎神三獻送神與文廟同 樂舞中祀

祝文 維

帝浩氣凌霄丹心貫日扶正統而彰信義威震九州完大節以篤
忠貞名高三國神明如在徧祠宇於寰區靈應丕昭薦馨香於
歷代屢徵異蹟顯佑羣生恭值嘉辰遵行祀典筵陳籩豆几奠
牲醪尙饗

後殿 雍正五年 詔勅封三代公爵建祠廟後如崇聖祠

曾祖光昭公

祖裕昌公

父成忠公

祭品三案 每案帛^{一各}羊^{一各}豕^{一各}鉶^{一各}簠^{一各}簋^{一各}籩^{一各}籩^{一各}籩^{一各}籩^{一各}籩^{一各}豆^{八各}尊^{一各}爵^{三各}鑪^{一各}鐙^{二各}

儀注 同日先祭行二跪六叩禮餘同前殿

祝文 維

公世澤貽庥靈源積慶德能昌後篤生神武之英善則歸親宜享
尊崇之報列上公之封爵 錫命攸隆合三世以肇裡典章明
備恭逢諏吉祇事薦馨尙饗

文昌宮 嘉慶六年詔列入祀典歲春秋仲月致祭春二月三日
秋諏吉日祭品儀注均如武廟之禮民國元年廢祀

社稷壇 清修壇制累石爲之縱橫各二丈五尺高二尺一寸陞

松潘縣志

卷二 學校 典禮

二十一

各三級繚以周垣北向石主二一埋壇南正中一卧於地長二
尺五寸徑一尺神牌二以木爲之曰縣社之神縣稷之神 臨
祭設於壇歲春秋仲月上戊日致祭

祭品^{二案} 各帛^{一色黑}簠^{二各}羊豕^{一各}鉶^一籩^{二各}豆^{四各}白瓷爵^三尊^一

儀注 前期三日齋戒前期二日簽祝版前期一日補服上香
監視宰牲並瘞毛血設獻官幕次至日黎明各官朝服行禮前
後各三跪九叩三獻不受福胙不謝福胙望瘞執事者以祝焚
於坎中以土實坎

祝文 維

神奠安九土粒食萬邦分五色以表封圻育三農而播稼穡恭承

守土肅展明禋時屆仲春秋敬修祀典庶丸丸松柏鞏磐石於無疆芘芘黍苗佐神倉於不匱尙饗

神祇壇 舊名山川壇嘉慶十三年奉部文更正製木主三中曰風雲雷雨之神左曰本境山川之神右曰本境城隍之神壇制祭日祭品儀注均與社稷壇同惟帛用白色獻禮分中左右三位望瘞改爲望燎不以土實坎

祝文 維

神贊襄天澤福佑蒼黎佐靈化以流行生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔籩豆

松潘縣志

卷二

學校

典禮

二十二

祇陳牲帛尙饗

先農壇 雍正四年奉 詔各直省各府州縣衛行耕耜禮雍正五年奉 特旨頒行耜田壇位規制壇在東郊以官地四畝九分爲耜田田後建立壇位高二尺一寸縱橫各二丈五尺神牌高二尺四寸寬六寸座高五寸廣九寸五分紅牌金字填寫每年遵部頒亥日致祭祭畢行耕耜禮

祭品

帛青色

羊豕各一

鉶一

籩豆各四

簋簠各二

爵三

儀注 前二日齋戒前一日省牲掃壇設幕檢視耕器至期各官朝服行禮前後三跪九叩不飲福受胙與社稷壇同惟獻帛爵不升壇

初獻時豐之章 先農神哉耒耜教民田祖靈哉稼穡是親功德深厚天地同仁肅將幣帛肇舉明禋厥初生民莫彙莫辨神錫之庥嘉種乃誕執茲醴齊農功益見玉瓚椒醕肅雍舉奠亞獻咸豐之章上原下隰百穀盈止粒我生民秀良興起樂舞具備吹豳稱兕再躋以獻肴香酒旨 終獻大豐之章 糜芑秬秠維神所貽以神饗神曰予將之秉耒三推東作永宜五風十雨率土何私 徹僎屢豐之章 於皇農事自古爲烈莫敢不承今茲忻悅籩豆旣豐簠簋云潔神視井疆執事告徹 送神報豐之章 麻麥芄芃秔稻連阡縱橫萬里皆神所瞻人歌鼓腹史載有年歲有常典第福綿延 望燎慶豐之章 玉版蒼帛來監來歆敬之重之藏於厚深典禮由古予行自今樂之利之國以永寧

祝文 維神肇興稼穡粒我蒸民頌思文之德克配彼天念率育之功常陳時夏茲當東作咸服先疇洪維 九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恒沐於神庥庶幾九穗雙歧上瑞頻書於大有尙饗耕耜禮 祭日午時各官俱換蟒袍補服印官秉耒佐貳執青箱播種耆老一人牽牛農夫二人扶犁九推九返農夫終畝耕畢各官更朝服望 闕行三跪九叩禮

農具

赤色牛

黑色種箱

青色子種

宜麥

農夫免役

常雩 乾隆七年定每歲四月十八日舉行不另立壇即於先農壇行禮合祀社稷山川先農諸神

帛用黑白青各一具長一丈八尺 儀注同社稷壇

祝文 恭膺 詔命撫育羣黎仰體 彤廷保赤之誠勸農勤稼俯維蔀屋資生之本力穡服田令甲爰頒肅舉祈年之典惟寅將事用申守土之忱黍稷惟馨尙冀昭明之受賜來牟率育庶伸豐裕於蓋藏尙饗

祭城門也乾隆七年定旱則雩祭祈雨澇則祭祭祈晴行禮與雩祭同

祝文 恭承 詔命臨民職司守土惟兆人之攸賴並藉神功冀四序之調和羣蒙福蔭必使雨暘應候爰占物阜而民安庶幾寒燠咸宜共慶時和而歲稔仰靈樞之默運聿集嘉祥襄元化以流行俾無災害

八蜡 雍正十二年定每歲十二月上戊日即先農壇致祭

先嗇司嗇居正位餘六神分設左右常時供先嗇司嗇神牌於先農神牌之東西餘六神列兩旁

勾芒之祀 先立春一日長官朝服率僚屬於東郊祀勾芒之神禮畢迎春歸駐署儀門外至日各官朝服祭用牲果酒醴四拜禮畢長官擊鼓三聲執綵鞭率各官環擊土牛者三鄉人各取其土以爲宜年

迎春祝文 維神司令元春參贊化育祛除寒威漸回溫燠雨
順風調禾登麥熟百穀順成羣黎蒙福今於某日恭詣東郊先
期迎神駕敢告

鞭春祝文 化工造物無私勿愆雷動風散雨閏日暄以時宣
布歲則有年民維邦本食乃民天四時之序春今爲先敢告尊
神發動春鞭

龍神祠 歲春秋諏吉致祭

祭品 帛一 羊豕各一 果實五盤 尊一 爵三

儀注 各官補服蟒袍行二跪六叩禮迎神讀祝三獻送神望
燎

松潘縣志

卷二 學校 典禮

二十五

祝文 維神德洋寰海澤潤蒼生允襄水土之平經流順軌廣
濟泉源之用膏雨及時績奏安瀾占大川之利涉功資育物欣
庶彙之蕃昌仰藉神庥宜隆報享謹遵祀典式協良辰敬布几
筵肅陳牲幣尙饗

火神廟 歲以季夏吉日致祭

祭品儀注與龍神祠同

祝文 維神德著離宮光昭午位廣陽亨之運象啟文明彰燮
理之能功參化育土以生而水以濟丙丁之大用常昭府旣修
而事旣和虞夏之九功惟敘麗茲萬物實賴化成乂我生民成
資利用仰邀神貺虔答鴻庥爰遵祀事之儀式協春裡之典肅

秋嘗

陳牲幣敬布凡筵尙饗

昭忠祠 歲春秋仲月諏吉致祭

祭品 帛一 羊豕各一 果五 尊一 爵一

儀注 各官補服行一跪三叩禮

賢良祠 歲春秋仲月諏吉祭 祭品儀注與龍神祠同

厲壇 順治年間定雍正三年添設飯米每歲清明中元十月朔

祭先期一日牒本州城隍焚牒文祭日迎城隍行神於壇上書

本境無祀孤魂牌位立於壇下左右城隍位及左右位各羊一

豕一并設飯羹

儀注 前一日祭官詣城隍廟焚牒文行一跪三叩禮至期補

松潘縣志

卷二 學校 典禮

服於城隍神位前行禮前後一跪三叩中間三獻爵讀告文禮

畢以告文同紙焚之

告文 遵依禮部割之為祭后土之境無祀鬼神等無事有欽奉人鬼

之道幽冥雖殊其理則一為故府州縣之廣兆民之眾必每百戶設

之君總其大又設官分職為府州縣治人之法如此祀典

祭一天地神祇及天下山川王國及府州縣祭境內山川及祀典

神之祇道如祭尙先祖冥及之中無祀鬼神昔為先民未有知何故此而治

而殁其間有遭兵刃強奪妻妾而有忿死於水有遭盜刑禍者有負屈死者財

有為天災流行而殞身者有因危急而自縊者有因牆屋傾頽而死壓者

終於前代或行征於近世或歸兵戈有攘後移他鄉或者烟斷絕或

依缺其魄未散結為陰靈或依祀草附木作妖怪此等孤魂死無所

身墮呻吟於風雨之時凡遇人間令此憐其慘悽口魂杳杳下有無司
依時享祭在京都有泰厲之祭在一國又有厲之祭在府州有
郡屬之祭在各縣有邑厲之祭在里又有各鄉之厲之祭在祭期於
神依人而血食人敬神而禮仍令本處城隍日設此祭醴羹
如此今某等不敢有違設壇於城西以某月某日設此祭醴羹
飯專祭闔境內無祀鬼神等
眾靈其不昧來享此祭尙饗

文廟及山川社稷各壇祭祀銀十六兩

武廟祭祀銀十六兩

文武廟續增祭祀銀二十四兩

山川社稷各壇酌增祭祀銀八兩內撥二兩祭厲壇

文昌宮新增祭祀銀十四兩

昭忠祠祭祀銀六兩

松潘縣志

卷二

學校

典禮

二十七

鄉飲

凡京府及直省府州縣歲正月十五十月一日於儒學行鄉飲
酒禮前一日執事者於儒學之講堂依圖陳設坐次司正率執
事習禮至日黎明執事者宰牲具饌主席及僚屬司正先詣學
遣人速賓僎以下比至執事者先報曰賓至主席率僚屬出迎
於庠門之外揖入主居東賓居西三讓三揖而後升堂東西相
向立贊兩拜賓主執事者又報僎至主席又率僚屬出迎揖讓
升堂拜出如前儀賓僎介至既就位執事者唱司正揚觶執事
者引司正由西階升諸堂中向北立執事者唱賓僎以下皆立
唱揖司正揖賓僎以下皆揖執事者以觶酌酒授司正司正舉

酒曰恭維朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生讀畢執事者唱司正飲酒飲畢以觶授執事執事者唱揖司正揖賓僕以下皆揖司正復位賓僕以下皆坐唱讀律令執事者舉律令案於堂之中贊禮引讀律令者詣案前北面立唱賓僕以下皆立行揖禮如前讀曰凡鄉飲酒禮序長幼論賢良別奸頑其坐席間高年有德者居上謹篤者並之以次序齒而列其有違條犯法者不許干預良善之席違者罪以違制敢有喧嘩失禮者揚觶者以禮責之讀畢復位執事者唱供饌案執事者舉饌案至賓前次僕次介次

爲之介以次長三賓以賓之次者爲之司正以教職爲之其僚屬則序爵執事以老成生員爲之

賓興

鄉試歲之七月長官蠲吉具啟遍告科舉諸生云謹占某日行賓興禮其啟用儷體每科舉一名啟一通送儒學轉致至期諸生齊集明倫堂長官具公服繼至以鼓吹導諸生謁文昌中魁星行四拜禮酌以酒名曰酌魁拜畢長官先行返署教諭設筵席款待諸生於堂上長官具柬相速教諭乃率諸生往廳治長官迎於頭門外相讓而升行賓主禮入席爵三晉優人演齣者三諸生告行優人以金花簪諸生鼓吹送至頭門外諸生先行長

官與教諭各擬送出東門備輿以待諸生禮請返輿始各回署諸生遂乘輿以赴鄉試

按富順縣志體例祀典祇載地方專祠松潘僻處邊方文明進化較內地爲遲自清光緒三十三年

孔子升爲大祀民國三年奉到祀

孔典禮

關岳合祀典禮因革損益散見法令諸書暨公署文卷普通學者無由觀摩今松志於學校附錄前代頒定及民國更定或仍舊未更之各祀典禮使邊方子弟習禮者家有其書亦入廟問事之意爾

清學署文廟對門內設明倫堂宣統辛亥燬

清書院有二一岷山書院在城東文廟側一錦屏書院在漳臘城南大街均清初建咸豐末錦屏書院圯廢岷山書院則於光緒二十九年改建學堂

清學額清初原額八名廩增各二十名二年一貢乾隆二十八年裁學二名廩增各五名歸資州六十年裁學二名廩增各三名歸秀山額進四名廩增十二名三年一貢光緒二年以南坪柴門關改土歸流增學一名額進五名廩增名額仍舊光緒三十一年停止

清義學共兩堂一附設學署一附設岷山書院均同治間設光緒

松潘縣志

卷二 學校

三十

二十九年廢

勸學所清光緒三十二年附設高等小學校內辛亥被焚民國三年借用照磨廢署遺址建設爲視學住所

高等小學校清光緒二十九年朝議變法停科舉設學堂同知黃汝楫就岷山書院舊址併入張公祠地改建學堂規模濶大教室完美擬立中學而松屬遼僻中學不宜仍立爲高等小學校附設師範傳習所三十三年併爲高初兩等小學校宣統三年番變燬民國四年知事何光國另於學署舊址建校舍設模範初等小學校舊學校基址遂荒廢焉

邑人馬鴻藻高等小學校碑國家之盛衰視乎人才人才之興

替視乎學校學校者造就人才之具也中國數千年來號宗孔孟而科舉制興專究文藝涉於空虛何裨實用清之末葉海禁大開外交日迫治國無謀禦敵無勇泄泄沓沓媿媿成風平日自命爲高才絕學者遇有大患輒皆屈伏遺誤多矣清廷憤之毅然改圖參酌歐制與時變通詔天下府廳州縣改建學堂專講科學以次遞進務在實事求是不尙空談庶我國有富強之日乎同知黃汝楫奉命辦學就岷山書院設校規模頗宏聘教員增學費榜曰高等小學堂學子盈門爭先恐後業已煥然一新矣辛亥番變條化焦土學舍榛蕪可勝歎哉民國繼起首重學務深知強國必賴人才人才必由教育譬之精金以治鍊成

良玉以琢磨就也我邑地處邊荒夷人環伺前此蹂躪已深若再不思奮且將淪於羶俗都人士有鑒於此仿昔年成規更事建築從此講學有地造就可期養成通才共肩鉅任興學之效或可見歟

溫江徐勁岑高等小學校碑松邑處萬山中大江發源靈秀鍾萃代產奇傑明清盛時武員迭著豐功而文人則鮮留姓字於史冊有之即若爲希世珍者豈僻處番夷見聞素鮮所致歟蓋亦視乎培植人才若何耳治城舊有岷山書院豈無能膺造作人士之任者自清中葉往往以幕友主講其文行學識課程矩矱寬嚴美惡姑不具論而既以幕僚任教育事勢相凌情相隔

道與權相悖理與欲相違政與教又相戾而不相合難如所期誠無足怪雖間有騰達者要皆成就於外而院中則寂寂無聞無惑乎爲人所輕視也咸豐庚申番變書院竟燬於火旋復重建光緒丙午改名中學校一時從學者數百人洗前此官制隔閼之習既云盛矣而宣統辛亥又燬於番變人以是傷之不知除舊布新事在人爲安知風會所趨不將由晦而明耶古代鄒魯近時吳越或今不古若或今勝於古足爲龜鑑不然數千年之專制胡一變爲共和故步甚易改也民國元年知事就學署舊基復建高小學校規畫完密較昔尤宏不事華麗有古樸風殆亦鶩湖鹿洞之遺意乎行見變空疏爲實用遠駕前日之習

松潘縣志

卷二 學校

三十二

武諸賢不徒以一介名秩爲鄉里榮寵則成效當倍蓰於書院可立待矣

城廂各初等學校地點

- 一 附設高等小學校內
 - 二 下南街長生祠內 民國四年設
 - 三 南門月城內
 - 四 北街租民房 民國六年設
 - 五 城西真武宮內 此校專教女孩民國五年設
 - 六 南城外玉真宮內 民國六年設
- 東區各初等學校地點

一 施家堡公舍 清光緒三十年設

二 小河楊氏祠 清光緒三十年設

三 龍韜堡租民宅 民國四年設

四 風崖堡武廟 民國五年設

五 楊柳壩租民宅 民國五年設

六 木瓜墩公舍 民國五年設

七 三舍堡武廟 民國六年設

八 四望堡財神廟 民國六年設

南區各初等學校地點

一 歸化堡東嶽廟 清光緒三十二年設

松潘縣志

卷二 學校

三十三

二 鎮江關公舍 清光緒三十二年設

三 石河橋武廟 民國五年設

四 安順關武廟 民國五年設

五 得勝堡五顯廟 民國五年設

北區各初等學校地點

一 漳臘武廟 清光緒三十一年設

二 中街民房 民國七年設

三 中街女校 民國七年設

四 火燒屯公舍 民國五年設

南坪鎮各初等學校地點

一 鎮內文昌宮 清光緒三十一年設

二 鎮內武廟 清光緒三十一年設

三 郭晏溝武廟 民國二年設

四 燕子埕租民舍 民國二年設

五 塔藏租民舍 民國二年設

六 永豐鄉武廟 民國二年設

七 安樂壩租民舍 民國二年設

學款

明宏治時都御史童軒置學田於城東後被水冲刷萬曆間兵使楊一桂復於縣南紅花屯隔岸置學田每年收麥租二石有

松潘縣志

卷二 學校

三十四

奇至清光緒初水復冲刷

清康熙間總兵周文英於文廟附近餘地建舖房五楹每年收租銀約五十兩庚申辛亥先後燬民國二年復建每年收租銀九十元

同治五年同知鄧友仁劃撥北街公有舖房一楹鼓樓下公有舖房三楹歸併儒學每年收租銀約三十兩辛亥番燬民國二年復建每年收租銀五十四元

同治間同知劉廷恕建築鼓樓書院餘銀二千兩有奇發商生息嗣因年久商務頹敗不無積欠虧挪至光緒二十九年同知黃汝楫追收曆年逋息及本銀併入漳臘義倉餘利銀共三千

七百餘兩作建學堂費外餘二千兩發茶商生息每年收利銀二百四十兩歸入學款
是年黃汝楫劃撥東路壘台溝公地麥租一石五斗及南路東勝堡公地麥租二石六斗金瓶崖公地麥租二石併入學款
宣統二年同知謝鵠顯籌集牲畜皮毛香茸雜藥等捐每年約進銀二千餘兩又設騾腳捐每年約進錢四百餘釧三年番變均停廢

民國二年知事田兆文恢復各捐除騾腳捐暫停止外餘均劃作地方稅以徵收局代收

是年田兆文劃撥東街藥王廟舖房二間文昌宮舖房三間南

月城武廟舖房六間歸學務除一間作國民學校外餘舖每年共收租銀一百四十餘元

三年田兆文於地方稅項下劃撥十之三歸學務每年約收銀一千元

四年知事何光國於地方稅項下改撥十之五歸學務每年約收銀二千餘元

五年知事余家驤於地方稅項下改撥十之六歸學務每年約收銀三千餘元

六年知事張典於地方稅項下改撥十之四歸學務每年約收銀二千餘元

又五年張典劃撥中街哈姓歸公舖房四間歸學務內提一間作教育會事務所餘三間每年收租銀五十餘元

學費

勸學所經費每年開支銀一千六百餘元

教育會經費每年開支銀三百餘元

高等小學校暨附設模範國民學校經費每年開支銀二千四百餘元此項酌有增減

城區各初等學校經費目

一 長生祠校 每年七十五元 勸學所開支項內

二 南月城校 每年七十五元 勸學所開支項內

松潘縣志

卷二 學校

三十六

三 北門城校 每年七十五元 勸學所開支項內

四 真武宮校 每年七十五元 勸學所開支項內

五 玉真宮校 區立

東區各初等學校經費目

一 三舍堡校 每年本地基本息錢二十釧勸學所補助十二元

二 四望堡校 每年本地基本息錢五十釧勸學所補助十二元

三 施家堡校 每年本地公租玉蜀黍四石五斗勸學所補助十二元

四 龍韜堡校 每年本地基本息錢四十釧公租玉蜀黍一石五斗此係余知事劃撥壘台溝公款勸學所補助十二元

五 小河鎮校 每年本地包山城租玉蜀黍三石提各廟常輸

玉蜀黍二石楊氏祠捐給錢二十釧牛羊關每牛一支抽錢

一百二十文每羊百支抽羊一支近因牛羊關衰減免抽勸學所補助二十元

六 風崖堡校 每年本地基本息錢四十釧勸學所補助_{十二元}

七 楊柳壩校 每年本地基本息錢三十釧勸學所補助_{十二元}

八 木瓜墩校 每年本地基本息錢五十釧勸學所補助_{十二元}

南區各初等學校經費目

一 石河橋校 每年本地基本息錢二十釧勸學所補助_{十二元}

二 得勝堡校 每年本地基本息錢二十釧勸學所補助_{十二元}

三 歸化堡校 每年六十元 勸學所開支項內

四 安順關校 每年六十元 勸學所開支項內

松潘縣志

卷二 學校

三十七

五 鎮江關校 徵費 勸學所補助_{十二元}

六 龍潭堡校 徵費

北區各初等學校經費目

一 漳臘城校 每年七十元 勸學所開支項內

二 漳臘城校 每年七十元 勸學所開支項內

三 漳臘城女校 每年四十元 勸學所開支項內

四 火燒屯校 每年本地息錢二十釧 勸學所補助_{十二元}

南坪各初等學校經費目

南坪學款每年抽斗捐錢一百釧秤捐錢二十釧藥布捐錢三百釧除本鎮兩校共三百釧外餘一百二十釧分助塔藏燕子

埡郭晏溝永豐鄉四校各三十釧

一 文昌宮校 每年一百五十釧

二 武廟校 每年一百五十釧

三 塔藏校 南坪補助錢三十釧

四 燕子埡校 南坪補助錢三十釧

五 郭晏溝校 南坪補助錢三十釧

六 永豐鄉校 每年公租玉蜀黍三石五斗南坪補助錢_{十三}釧

以上各學校有勸學所額定經費者有本地籌集經費者有學子自出經費者有經費不敷必待公款稍加補助者此亦因地制宜不能預算者也

松潘縣志 卷二 學校

三十八

勸學所員額

視學員 一

勸學員 名譽職無定額

講演員 名譽職無定額

收支員 一

高等小學校員額

校長 一

學監 一

庶務 一

各教員 無定額或校內各員兼任之藉免糜費學款

實業

農業松屬南坪小河氣候較暖畧有稻田產穀無多餘則山高寒重歲收一季祇宜冬麥春麥稞麥荳菽包穀則東南北三區皆產所謂冬麥者隔年播種次年秋收是也視霜雪之早遲定收穫之豐歉農民貧多富少宜設農學研究會就本處天時地質土性人工講求耕耘收穫減少籽種改良農器試驗肥料之法以期日有進步物產增加

商業商貨分輸出輸入兩種輸出品購自成都溫崇彭灌江彰安綿各縣者以大小茶包爲大宗綢緞綾縐洋廣疋頭毛綢花線土布次之銅鐵瓷器暨各襪貨各食品又次之運往關外

松潘縣志

卷二 實業

三十九

南北番部售銷輸入品易自關外生番部落者以羔羊皮野牲皮羊毛爲大宗香茸貝母大黃甘松蟲草各藥材次之牛羊牲畜又次之運入本省暨直隸河南上海及沿江沿海各埠售銷交易時期每歲漢番運貨結隊行走大抵六七月皮莊登市八九月鹿茸貝母大黃甘松牛羊登市十月以後羊毛登市麝香襍藥暨名山貨則無定時商幫有草地幫西客幫河南幫陝幫渝幫之別若米麪幫森林幫貲本較微細矣各幫字號以豐盛合本立生義合全杜盛興開岸最早聚盛源裕國祥協盛全次之老號二三十年餘皆百數十年不等資本雄厚交易和平尤重信義不似內地商場之刻薄蓋習

慣使然耳自有大商多家貨物之或產或運或銷需人工脚力較夥有資本者藉以營業無資本者傭工輸運亦可謀生多增字號一家生活貧民數百實邊以民不如實邊以商有商而農工自然發達其餘各項實業隨之近五六年渝幫遷去多家羊毛藥材停滯市面益形枯窘宜廣招徠而維持保護設商務學堂講求商業專門司牧者曷注意焉

工業土著向以農商爲業凡建築冶鑄縫紉織造等工皆外縣人松人鮮操作者所產土貨如骨角毛羽金石木革等類頗豐因不講求工藝遂致天然物質委輸外境如能興設工廠學習製造成品必大可觀今所有者製革靴鞋骨角器皿毛織

氈毯粗細毳疋而已推而廣之當俟異日

鑛業北區對河寺南區耳邊三寨金鑛開掘者稍着成效惟鑛師資本之難採法不善且時有時無得益較少踏藏境內有銀銅鑛惜無新法開採又乏煤薪難於鎔化地不愛寶誰其啟之東區有磺鑛質色均佳又三舍汛發見煤鑛惟地險艱於轉運如能平治道路不惟便民且獲厚利松盡煤出斯言其驗乎

按松屬邊隅廣袤數千里山川發脉之源寶藏豐富之說容或不虛然自清光緒初中國講求鑛業開辦學堂化驗採探迄今近四十年政府委派員紳條陳繪圖貼說者不知凡幾未聞辦

有成效推原其故有二一在鑛師無人中國學生有鑛業專門實學者少即外國來華鑛師精于鑛務學者亦屬罕覯條陳圖說不過紙上空談究其實指某地確有某鑪苗深若干採法如何需費若干實有把握者未之聞也一在股本不濟外國開鑛資本充足有現用金有準備金或數年或數十年收效愈遲獲利愈厚不似中國淺嘗輒止半途廢棄所謂欲速則不達也光緒末年升允總督甘肅以全省財力人力不可謂不厚矣迺西甯大通一帶開採金銅各鑛十餘處費帑數十萬漢番交涉屢起爭端不聞獲有餘利大都辦事人員亦徒博虛名而已松潘不如甘肅遠甚且鑛產多屬夷地少一失檢動起邊釁利未得

而害生條陳圖說轉爲釀禍之厲階故此時言松之實業祇能就現有之商農工鑛維持保護依據習慣法而徐圖擴充有百利而無一害若欲推廣各種鑛業則須俟鑛師得人資本大裕通盤籌畫成竹在胸正未可忽畧貽地方患也

松潘縣志卷二

法團

縣議會 清末成立事務所設中正街

正議長 一

副議長 一

議員 二十八

教育會 清末設民國三年成立事務所設中正街

正會長 一

副會長 一

會員 無定額

松潘縣志

卷二 法團

四十二

商務分會 清末成立事務所設西府街

正會長 一

副會長 一

會員 無定額

農務分會 民國元年成立事務所設東街

正會長 一

副會長 一

會員 無定額

松潘縣志卷二

兵制

周武王伐紂牧野誓師有庸蜀羌髳微盧彭濮人尙書

漢武帝平西南夷朝冉駹立汶山郡以益州刺史領之宣帝地節

元年罷汶山郡置北部都尉漢書

晉武帝太康三年以蜀多羌夷置西夷府以張牧爲西夷校尉持

節統兵治之置長史司馬舊通志

武帝太康中仍用蜀修屯牙門以御夷徼按華陽國志蜀汶山西

五部常於險要置守自汶江龍鶴冉駹白馬氏用五圍皆置修屯

牙門晉因仍其守舊通志

松潘縣志 卷二 兵制

一

惠帝永寧元年羅尙爲平西將軍護西夷校尉以叟兵擊流入李

特李驤等破之通志

唐太宗貞觀時松州交川郡下都督府置松當軍新唐書地理志

元宗開元二十一年置邊郡節度使管蓬山郡即柘州兵五百人

管交川郡即松州兵二千八百人元和郡縣志

文宗太和三年以李德裕爲川西節度使德裕至鎮作籌邊樓圖

蜀地形訓練士卒葺保障以備邊唐書

德裕在西川建籌邊樓按南道山川險要與蠻相入者圖之左西

道與吐蕃接者圖之右其部落衆寡饋運遠邇曲折咸具召習邊

事者與之指畫商訂凡虜之情僞盡知之又請甲人於安定弓人

□□中弩人於浙西由是蜀之器械皆犀銳率戶二百取一人使習戰貸勿事緩則農急則戰謂之雄邊子弟又作柔遠城以扼西

山吐蕃

新唐書

宋神宗熙寧五年王韶納沿邊蕃部岷宕疊弄等州皆補蕃官首領共九百三十二人正兵三萬族長數千

宋史

神宗熙寧九年詔四川經略使統番戍諸路有事即以征討

舊通志

哲宗元符二年詔四川沿邊州縣城池樓櫓務各修治有不治者罪之

通志

元成宗大德七年以行播州軍民使楊漢英爲紹慶南平等處沿邊宣慰司管軍萬戶佩虎符

通志

松潘縣志

卷二 兵制

二

武宗至大四年調蒙古漢軍鎮雲南按雲南八百媳婦大小徹里作亂調四川省蒙古漢軍四千人命萬戶囊加斛部領赴雲南鎮守其四川行省言本地方東南控接荆湖西北襟連秦隴阻山帶水密邇番蠻素號天險古稱極邊重地乞於存恤軍內調二千人往從之

元史

明太祖洪武初年立大都督府節制中外諸軍事若有征討之役以公侯伯充總兵官名曰挂印將軍在外鎮守地方武臣置都指揮使司以領衛所置總兵參將遊擊守備以司攻守諸軍在外者謂之翼

明史

洪武中改翼曰衛設指揮使司而覈其所部兵五千人爲指揮千

人爲千戶百人爲百戶五十人爲總旗度天下要害地係一郡者設所連郡者設衛大率五千六百人爲衛千一百二十人爲千戶所百十有二人爲百戶所設總旗二小旗十大小聯比以成軍於松潘設衛舊爲軍民指揮使司隸四川都指揮使司所屬長官司十七安撫司四

占藏先結長官司

蠟匝簇長官司

白馬路簇長官司

山洞簇長官司

阿昔洞簇長官司

北定簇長官司

麥匝簇長官司

者多簇長官司

牟尼簇長官

斑斑簇長官司

松潘縣志

卷二 兵制

三

祈命簇長官司

勒都簇長官司

色藏簇長官司

阿思簇長官司

思囊兒簇長官司

阿月簇長官司

潘幹寨長官司

阿角寨安撫司

八郎安撫司

麻兒匝安撫司

芒兒者安撫司

以上所列長官司十七安撫司四俱屬松潘衛有大征伐或量調各土司兵聽官兵總領節制指使

舊通志

復立番僧二人爲國師曰商巴曰綽嶺二人爲禪師曰黎巴曰完卜亦皆佩銀章也西邊記云國師商巴佛教也禪師黎巴道教也

其寺觀散居寨落以主化導番夷

清松潘鎮總兵官統轄十二營

外屬懋功五營地近川邊距松一千四百里乾隆五十五年因道途遙遠改歸提督統轄

維州左右兩營駐劄理番廳區域

茂州疊溪兩營駐劄茂州區域

龍安一營駐劄平武縣區域

以上各治區域松志不載

松潘中左右三營駐劄廳城距省七百六十里

漳臘營駐劄漳臘城距松北四十里

南坪營駐劄南坪城距松東北三百六十里

平番營駐劄平番城距松南一百二十里

松潘縣志

卷二 兵制

四

小河營駐劄小河城距松東一百八十里

以上均廳治區域

乾隆四十四年懋功設立營制裁撥松潘右營守備一員左右二營千總二員把總二員中左右三營馬戰守兵二百四十五名漳臘營馬戰守兵五十名南坪營馬戰守兵三十二名平番營馬戰守兵十八名小河營馬戰守兵十二名併歸懋功

乾隆四十六年裁退名糧中左右裁名糧一百三十一分刪除公費五十四分實存額兵一千五百六十五名漳臘裁名糧六十分刪除公費十八分實存額兵五百一十二名南坪裁名糧二十六分刪除公費十一分實存額兵三百三十一名平番裁名糧二十

二分刪除公費六分實存額兵一百六十名

乾隆四十七年增補實兵總督福康安奏中營添戰兵十一名守兵七名左營添戰兵七名守兵五名右營添戰兵八名守兵五名漳臘添戰兵三十五名守兵二十五名南坪添戰兵九名守兵六名平番添戰兵十四名守兵八名小河添戰兵十七名守兵十一名嘉慶十二年綏定通巴增添弁兵裁撥松潘左營馬兵一名戰兵三名右營馬兵一名戰兵三名漳臘馬兵一名戰兵三名南坪馬兵一名戰兵五名平番戰兵七名小河戰兵三名分歸綏定通巴二營

嘉慶十四年馬邊峩眉夷務善後移駐官兵裁撥松潘中營把總

松潘縣志

卷二 兵制

五

一員馬兵五名戰兵十五名守兵二十名左營馬兵三名戰兵七名守兵二十名右營馬兵三名戰兵七名守兵二十名漳臘馬兵一名戰兵一名守兵三名小河千總一員均分歸馬邊營

嘉慶二十年裁退役守糧中左右漳臘南坪平番小河每營八分共裁守糧五十六分

道光十一年因回疆經費各營裁兵一次

兵冊被焚名數無考

十五年添設峩邊等處各營裁兵一次

兵冊被焚名數無考

十九年調撥屏山茨竹坪越嶲等處各營裁兵一次

兵冊被焚名數無考

是年裁小河營守備添設萬全營以中營把總二員分防小河汛又改南坪營爲松潘右營該營都司千把馬戰守兵全行裁撤

檔

册失散名數無考

二十一年調撥直隸天津海防各營裁兵一次兵册被焚名數無考

咸豐元年調撥屏山各營裁兵一次兵册被焚名數無考

咸豐二年洪秀全等起事由廣西犯長沙三江等處三年據江寧省城川西松潘鎮屬營兵五次徵調出師東南馬戰守兵二千餘名邊防空虛十一年逆番叛亂松鎮及各營失守同治二年省兵松兵分三路進取剿撫兼施五月克復松潘鎮城陸續克復漳臘南坪平番小河等城變更舊制酌量裁改營汛松潘廳屬地實在存留松潘鎮屬松中松左松右即南坪漳臘平番五營

松潘營制官額員數

松潘縣志 卷二 兵制

六

松潘鎮總兵一員駐廳城

中營

中軍遊擊一員

中軍守備一員

存城領哨千總一員

存城外委四員

一分防岷山汛千總一員

一分防伏羌三舍二汛外委一員

一分防羊角溪流沙關二汛把總一員

一分防禦山雪欄紅岩三汛外委一員

一分防塘舍羊芋譚邪三汛把總一員

一分防小河上汛把總一員小河營原設參將改遊擊乾隆二年改守備道光十九年裁守備屬中營汛

一分防小河下汛把總一員

一分防小河外委一員

馬戰守兵五百三十七名駐防台藏塘汛在內

左營

遊擊一員

守備一員

專城千總一員

存城外委三員

松潘縣志

卷二 兵制

七

一分防老熊溝汛把總一員

一分防穀粟屯汛外委一員

一分防風洞關汛把總一員

一分防雄雞屯東勝堡紅屯花三汛把總一員

馬戰守兵四百二十名駐防台藏塘汛在內

右營

都司一員駐劄南坪城道光十九年改南坪營為松潘右營

存城領哨千總一員

存城外委二員

一分防會龍汛把總一員

一分防隆康汛把總一員

一分防黑河汛外委一員

一分防湯珠河汛外委一員

一分防四道城汛外委一員

馬戰守兵二百七十八名 駐防台藏塘汛在內

漳臘營

參將一員 原設遊擊乾隆十五年改爲參將

中軍守備一員

專城把總一員

存城外委六員

松潘縣志

卷二 兵制

八

一分防黃勝關汛千總一員

一分防柏木橋汛千總一員

一分防踏罵汛把總一員

一分防虹橋關汛把總一員

一分防大石頭汛把總一員

馬戰守兵五百六十名 駐防台藏塘汛在內

平番營

守備一員

存城領哨千總一員

一分防北路歸化汛把總一員

一分防南路鎮坪汛外委一員

一分防白羊汛外委一員

馬戰守兵二百一十名駐防台藏塘汛在內

同治初川省奏請加練精兵松鎮各營練精兵一千二百名卽於綠營內之馬戰守兵挑選除原營糧餉外每名每月加餉銀一兩二錢名曰精兵常川操練光緒初年因餉絀全裁二十四年總兵夏毓秀請設利字營馬隊一百名在各營馬兵內挑選照行軍馬隊章程編制每名每月加馬乾銀二兩四錢設管帶一員左右兩翼哨官二員給發哈乞開斯鎗四十枝搭配前膛鎗六十枝分防黃勝關兩河口弓楨嶺雪山等處隨時巡緝每年護送茶幫兩次繼因營哨官缺額被裁

自同治以至光緒末年綠營兵額遞減存餘無幾宣統三年五月川督趙爾巽奏請將松屬各營官兵一律裁撤官弁分遣回籍兵

松潘縣志

卷二 兵制

十一

丁汰弱留強從新改編松潘鎮屬及懋功等營官兵俸餉公費米折等項通盤合計僅能成立五營改總兵爲統領統部設馬小隊四十名歸統領率帶駐松潘城設馬隊一營爲第一營曰巡防前路第一營馬隊管帶駐漳臘城左右兩哨分駐黃勝關暨松潘廳城改編步隊四營曰巡防前路第二三四五等營第二營管帶率中哨駐廳城左右兩哨分紮南坪平番疊溪小河等處第三營管帶駐理番中左右分紮新保關汶川茂州等處第四第五兩營管帶分駐懋功綏靖崇化慶寧等處是年八月同志軍攻取汶茂茂州官紳告急巡防兵奉調赴茂堵截番衆乘虛謀叛松漳失守民國改元巡防軍奉文改編松茂陸軍隨征松潘叛逆五月克復松

潘城民國二年六月奉文改編兵制松潘陸軍易其名曰漢軍西路前五營營制餉章錄后

營制

漢軍西路前五營統帶統轄漢軍第一二三四五等營統都駐縣城設統帶官一員書記官一員會計官一員執事官一員司書二名馬弁二名護兵十名譯字通事四名伙夫二名統部共設官佐弁兵二十四員名每營營部設營長一員書記長一員司書二名護目一名號目一名護兵四名營部共設官佐書護十員名營分中左右三哨每哨設哨官一員哨長一員司書一名護兵一名號兵二名哨分八棚每棚設什長一名正兵七名伙夫一名每哨官

松潘縣志

卷二 兵制

十二

長書護號什兵夫七十八名一營總計官長書護號什兵夫二百四十四名

以上統部暨五營合計官佐書護號什兵夫一千二百四十四名

第一營營部帶領中左兩哨駐紮漳臘城在縣北距統部四十里其衛戍區域西至黃勝關外草地界連甘肅直通藏衛北至柴門關毗連甘肅文縣全川屏蔽實基於此右哨駐紮縣城南門城樓游擊防剿臨時調遣

第二營營部帶領左哨駐紮平番城距統部一百二十里右哨分防安化關距統部五十里中哨駐紮茂縣距統部三百六十里其

衛戍區域南至理汶等縣東至北川安縣西在毛兒革七布襍谷等番地

第三營營部帶領中左右三哨駐紮懋功縣在縣西南距統部一千二百餘里民國五年四月該處番亂潰散未復

第四營營部帶領中左右三哨駐紮綏靖屯等處地方在縣之西南距統部一千六百餘里

第五營營部帶領中右兩哨駐紮縣城

係統帶兼理營長事務

左哨分防三

舍在縣東距統部九十里其衛戍區域東路一帶至平武游擊防剿臨時調遣

川陝總督岳鍾琪議覆布置防兵疏案准四川提督黃廷桂咨稱
潘州一境東北遙通洮州河州其間橫繞雜處者有竹利鐵布鹿
哨甘家等番西通貴德西寧中有合壩上下竹革播下等番及插
漢丹津等部落住牧西南有阿壩郎惰郭羅克毛兒革等種悍夷
是潘州實爲邊塞重地若潘州無兵不但西寧松潘由草地一路
聲息相隔即各處番夷或久經內附或剿撫方新悉隸於漳臘一
營管轄誠恐鞭長莫及且松潘譬之內戶黃勝關譬之堂奧潘州
譬之門庭而專事堂奧非計之得其潘州安設官兵之處實爲一
方屏障似應仍照原議惟兩河口去黃勝關僅二十里而距潘州
三百八十餘里中橫羊膊嶺路屬迢遙前議於兩河口安設官兵

松潘縣志

卷二 兵制

十五

似與潘州聲息尙覺隔越查包坐之達薦寺地方距潘州一百八
十餘里距黃勝關二百二十里爲潘州黃勝關適中之地且達薦
寺遶東北由挖藥而至羊崗僅一百二十餘里似應將議設兩河
口官兵改設達薦寺聲息乃爲聯絡並開闢達薦至挖藥羊崗路
道安設塘汛以資控馭而兩河口雖逼近黃勝關但係四通要隘
應即於黃勝關設駐紮之兵酌量分防布置更屬周密查文縣等
處去潘州計程祇七八日即至將來潘州營制設立之後商民趨
利奔集其米糧食物自有擔負運販而來者再爲相地屯種其及
時積貯自可接濟兵食至黃勝關係漳臘潘州之咽喉查黃勝關
原額設有漳臘營之汛兵五十名未免單弱須增兵以資聲援今

潘州達薦寺既已安設則漳臘舊管之包坐五寨竝新撫之阿口上下作革合壩屋藏甲凹播下狎漫鐵布等處地方自應統歸潘川就近管轄再將漳臘營分防流沙東勝雄雞紅花羊裕唐舍譚邪谷粟高塍等處塘汛兵丁盡行抽撤添撥一百五十名歸黃勝關合之黃勝關原額設兵丁五十名共足兵丁二百名將漳臘營守備移駐黃勝關內可爲松潘之屏蔽外可爲達薦潘州等營之犄角其龍安營雖屬內地但查該營地方遼濶且東北接壤南坪階文實爲秦蜀之扼塞必得參將彈壓似不宜議請移駐漳臘再查南坪地方險要番人出沒不常似應增兵稽查防範而小河地方雖汛防二百餘里界在內地無庸重兵應如所請將小河營遊

擊帶兵一百五十名移駐南坪合之南坪現在設兵三百名共四百五十名足資彈壓再查漳臘營與松潘鎮中右兩營向日所轄營汛參錯不便統轄應分別就近管束以專責成如漳臘營分防之流沙關汛距松潘鎮中營較近應歸併松潘鎮中營管轄而流沙關汛舊管之牟尼拈佑熱霧七布峩眉喜及新撫之毛兒革蛇灣等處一併歸之松潘鎮中營管轄似屬利便其漳臘營舊管雄雞紅花東騰谷粟高勝羊裕唐舍譚邪等堡以及元壩坨巴等寨去漳臘稍遠遠則稽查地方約束蠻番恐有不周莫如就近歸於汛少之松潘鎮右營管轄易於爲力其漳臘之舊管寒盼商巴祈命並新附之鵲箇阿壩郎隋郭羅克仍隸漳臘管轄以資控制如

此則彈壓各得其便軍勢倍覺聯絡於邊防似有裨益等因移咨前來臣查龍安一營雖係內地但地方遼濶爲秦蜀四通扼要之區必須參將一員方克彈壓不便議調移駐漳臘惟查南坪一營地方險要番人出沒不常似應增兵防範查小河營界在內地酌定兵額足資汛防應如前鎮張元佐所議將小河營遊擊移駐南坪一轉移間於行伍俱屬有益臣等詳加酌核均屬妥協前因提督黃廷桂正在領兵勦撫建昌等處而鍾琪上年亦因辦理西路軍務是以暫緩會奏今各番悉以歸誠就撫所在汛防自宜因時損益斟酌變通以期鞏固邊方於永遠但臣知識短淺應否如提督黃廷桂所議增設駐防歸併管轄之處非臣所敢擅便謹議以

松潘縣志

卷二 兵制

十七

覆通志

又岳鍾琪疏稱潘州與河州松潘爲犄犄潘州無兵則西寧與松潘聲息相隔請於潘州設副將一員守備二員千總四員把總八員兵一千二百名兩河口設守備一員把總一員兵丁三百名令潘州副將兼轄松潘鎮總兵統轄每年糧餉照松潘之例折給雍正三年清廷准如所議辦理通志

團練

松潘向有團練所以佐兵力之不逮也清嘉道間迭次通飭各省廳州縣實行編聯保甲辦理團防舉本地正紳董其事城鄉內外別擇數人以爲之副行保甲之法十家聯保互出甘結始准移居

匪類溷跡送官究治良民團聚家有幾人大小男女丁口若干所操何業田地若干詳註冊內以備稽查照章訓練壯丁每戶抽壯丁一人或二人編爲部伍烏鎗刀矛各習一技官爲籌備器械每一團延教習一名或二三名使之教導勤加訓練有事則守禦城堡毋令出征惟隣近堡寨告急許其以半救援張大聲勢與官兵聯絡民居自安民志自定立法非不善也乃咸同以來一苦於經費無出一苦於辦理不得其人日久廢弛故庚申之變臨時編練壯丁雖可用而餉械空虛辛亥之役軍民聯合勇氣倍增惜兵力過單寡不敵眾以致不能守禦鎮城營堡均被逆番攻陷官署民居焚燬盡淨民國元年省軍松軍分道進剿克復城池人民漸次

松潘縣志

卷二

兵制

十八

歸業三年中央公布地方保衛團條例章程縣公署查照辦理城鄉共分六區

第一中區松潘縣城

第二東區小河

第三南二區九關六關

第四北二區漳臘南坪

以上每一區設團總一保董甲長牌長由戶口定之十戶一牌長十牌一甲長五甲一保董城區每年辦理冬防常備團丁四十名每丁月給錢四千文_{平時不給}城內總團局月支錢十

六千文作辦公之費按年冊報由縣監督核明轉呈省公署

備核

松潘訓練團防變通辦法

第一中區松潘縣城練團丁二百名

第二東區小河城練團丁五十名

第三南二區平番九關六關練團丁五十名

第四北二區漳臘練團丁五十名南坪練團丁五十名

綜計六區共練丁四百名每區設操場講堂各一所星期集
合團練局操演講字讀歌兼習禮儀延教習一員教練長一
員逢星期日由團總召集本區團丁若干名先上操場教以
兵式體操次上講堂教以通俗文字如愛鄉愛國保身保家

松潘縣志

卷二 兵制

十九

自強自治之道編成俗語歌訣人各一冊依時講授學期以
三個月爲限平時僅有獎資不給口食練成一班分別優劣
榜示局所又查照團冊輪班更換選一半新丁去一半舊丁
如此按四季輪流調補五年之內所有全縣壯丁盡能有勇
知方不費毫釐之餉而得多數之兵可以守土可以防邊此
民團之有益於地方也乃近年大局未定邊地不寧雖有團
丁未能實行訓練惜哉

警備隊

民國三年中央以各省盜風未靖劫案迭出飭於衝要地方酌設
警隊責成知事督練調遣以資保護繁縣酌設一百名中縣八十

名簡縣六十名經費卽就地方裁節各款分別籌撥松潘係屬繁區照章應設警隊百名祇以地方極邊經費枯竭設警備六十名民國三年成立由縣知事督率訓練所需鎗枝子彈向漢軍統部借用應支薪餉仍由地方稅項下撙節開支挑選合格退伍軍士及各團保送有身家之農民均經縣知事詳加考驗註冊呈報省公署核准

警備隊長一名

分隊長二名

什長六名

警隊六十名

松潘縣志

卷二 兵制

二十

薪餉

就地方財力酌定

巡警宣統元年開辦辛亥番變停

警佐一員

巡長一員

庶務

書記

警兵

薪餉

就地籌給